

Mimoya Leyi Yengaka

 Avuxeni, vanghana. Ndzi tsakile ku va lahawani mixo lowu, na ku tiva leswaku ku mi vona hinkwenu mi humile, hi ri karhi hi pfumela leswaku Hosi yi na hina namuntha, yi ri karhi yi hi nyika ndzhutinyana, leswaku a ku nge hisi ngopfu lahawani etabernakeleni eka xikhongelo xa ni mixo. Nakona sweswi hi . . .

² Ndza pfumela, xana ku na vana . . . Xana vana va nga va va tshunxiwile leswaku va ya etitlilasini ta vona xana, Makwerhu Neville? Ndzi vonile van'wana va vanakulorhi lavantsongo, nakona ntsena ndzi tivutisile loko va nga va va tshunxile vana leswaku va tlhelela endzhaku eka tindzhawu tin'wana ta vona—ta vona, eka kamara ra vona ra xikolo xa Sonto.

³ Sweswi, ndzi khongeleteni. Ndzi na xiboho lexikulu lexi a ndzi fanele ndzi xi endlile vusiku lebyi nga hundza, nakona ndzi fanele ku xi endla namuntha. Nakona kereke a yi khongeli. Ndzi na—ndzi na nhlengelatano leyi yi landzelaka, yi le ka layini ya Iron Curtain eGermany, nakona hi leyi yi khumbhakanyana. Nakona ndzi khongeleteni. Swingaleswi, i ku, hi nga ha sungula xikan'we-kan'we lahaya esitediyamu lexikulu xa khrikhete eGermany, lexi Hitler a nga xi endla loko nyimpi yi nga se sungula, ndzhawu ya kahle leyikulu, yi tshamisa makumenhungu wa magidi ya vanhu. Nakona hi nga va na yona ku ringana vusiku bya khume, hi ku kongoma. Swingaleswi hi tshembhela ku va hi ta sungula xikan'we-kan'we kwalahaya, kutani ku suka kona hi ya eLa Salle Lorraine, France, leri landzelaka, kutani ku ya eBerlin, hi vuya endzhaku . . . ndzi vula leswaku, Berlin exikarhi ka lero na—na France.

⁴ Kutani hi vuya endzhaku, loko Hosi yi swi rhandza, eka ntsombani eChicago. Yi sungula, ndzi ehleketa leswaku, hi ravuntlanu, ravuntsevu, ravunkombo, ravunhungu, na ravunkaye, i xiave xa mina xa le Chicago, xa ntsombani eka kereke ya le—le Swedish. Nakona i va, Nkul. Boze, van'wana va n'wina ku suka kwalahaya Chicago, va na ntsombani leyi a yi ri eku teni eka leri ri landzelaka . . . leyi yi sungulaka hi ro rhanga ra Mhawuri, kumbe ro rhanga ra Ndzhati, yi le, Sweden. Nakona ndzi tsakile ngopfu ku tiva leswaku vhoti ya vona eka mina, leswaku ndzi ya, nakona a yi ri ya misava hinkwayo na ku va dzana ra tiphesente. A ndzi tsakile hi sweswo, kambe a ndzi fanele ku va ndzi ya kwalahaya kumbe ehansi lahawani sweswi. Mi khongela leswaku Hosi yi ta ndzi rhangela ntsena ku kongoma ndzhawu laha mimoya-xiviri yo tala yi nga ta ponisiwa, nakona ku ta endliya leswo antswa swa Mfumo wa Xikwembu. Sweswi, va na tsombani ehenhla lahaya, nakona—nakona va le Sweden, nakona u te hi ta va na makumembirhi-

ntlhanu, makumenharhu-ntlhanu wa magidi ya vanhu lava hi nga ta sungula na vona, eka tsombani, nakona vo tala va vona i vanhu lava va nga ponisiwangiki.

5 Kutani ku rhelela ehansi lahwani eGermany, kunene, vana xitediyamu lexi xi tshamisaka makumenhungu wa magidi. Hakunene, hina, eSwitzerland laha hi nga ha ku suka kona, hi vile na nhlengeletano ya kahle swinene lahaya, nakona vo tala va n'wina swi nga ha endleka mi nga se tshama mi swi twa. Hosi yi hi katekisile hi matimba ngopfu, hi vile na makumentlhanu wa magidi wa lava va nga hundzuka hi vusiku bya ntlhanu, e—e Zurich, Switzerland.

6 Swingaleswi, Makwerhu Jack Shuler, vo tala va n'wina ma n'wi tiva, i Mumethodist, jaha ra mukhalabya Bob Shuler. Va le Belfast sweswi, nakona—nakona va vula leswaku ntsena va le ku hundzuluxeni ka ndzhawu yi languta ehansi, kwalahaya, hikokwalaho ka Evhangeli, hambi ku ri ku tlula leswi Billy Graham a ri na swona enhlengeletanini ya yena. Jack i nakulorhi lontsongo wa kahle, u taleriwe hi vuhisiki na rirhandzu. Nakona ntsena u—u tshembhekile eka swona ku fikela laha ndzi pfumelaka leswaku hi yena nandza wa kahle wa Hosi. Nakona mi khongelela Makwerhu Shuler. Nakona—nakona hi yena Jack Shuler, na Jack MacArthur na yena u na yena. Makwerhu Jack MacArthur u xichumayeri xa kahle, na yena. Nakona lahaya ku vile vavanuna va kereke va nge te i mpfuxelelo wa kahle swinene lowu wu nga tshama wu ba Ireland. Swingaleswi hi swonghasi... Va ya exikhongelweni masiku hinkwawo eka vavanuna lavaya—lavaya. Havumbirhi bya vona va ha ri majaha, ehansi ka, kwalomuya ka vo makumemune, ndza tshembha, kumbe ehansi, mindyangu na swin'wana na swin'wana, nakona i vadyondzisi vo tiya kahle va Evhangeli, nakona ha va rhandza.

7 Kutani sweswi, ndza—ndza khongela leswaku a mi nge ndzi rivali, leswaku—leswaku Xikwembu xi ta ndzi pfumelela leswaku ndzi teka xiboho xo lulama sweswi. Ku na minkarhi laha u nga swi tiveki leswaku i ndlela yihi u faneleke ku hundzulukela eka yona. Xana mi tshame mi fika eka tindzhawu teto xana? Ndzi pfumela leswaku Paul u fikile eka ndzhawu yaleyo nkarhi wun'wana, a nga fikanga xana? A ku ri exikarhi ka swindleyani swimbirhi. Nakona loko a ri karhi a ya kona, hikokwalaho ka yini, u vonile ntsumi eka xivono leyi yi nga n'wi byela leswaku, "Tana eMacedonia." Swingaleswi Hosi yi tama ya ha ri na Ntsumi ya Yona, a Yi na yona xana? Loko ntsena ndzi nga titsongahata embilwini ya mina ha swona tanahi laha Paul a ri hakona.

8 Kutani sweswi, vusiku lebyi, tsundzukani swikhongelo swa Evhangeli lahwani etabernakeleni, un'wana na un'wana a hume. N'wina mi nga endhawini ya Louisville, ndzi ta vulavula eKerekeni ya Open Door, vusiku lebyi, eka tiawara ti nga rittingani, hi hafu ku bile awara ya nkombo ku fikela hafu ku

bile awara ya nkaye, eka ya Makwerhu Cauble. A ndzi ya eku teni kambirhi lahawani. Nakona i wanuna wa kahle swinene, nakona u vitaniwile. Kutani Makwerhu Cauble, i njhingha ya kahle swinene, makwerhu. Wena, ndzi na ntiyiso wa leswaku wa tiveka, makwerhu wa kahle swinene, nakona ntsena a ndzi nga ta n'wi alela hi ndlela yaleyo. Khongelani. Ehenhla ka swilo hinkwaswo, khongelani, nakona khongelani leswaku Xikwembu xi ta hi nyika xiboho xo—xo lulama xo xi endla.

⁹ Sweswi, loko hi nga se sungula Hungu ra Evhangeli, hi na mixo lowu hi nga ta katekisa vana lavantsongo. Nakona ndzi na nakulorhi lontsongo lahawani loyi a lavaka ku katekisiwa, na yena, eka Hosi. Sweswi, minkarhi yo tala eka tikereke to tala . . .

Xana mi swi twa kahle, kwale ndzhaku? Loko mi swi twa, xana swi kahle? Swiberisa-moya leswi nga lahawani, ntsena ndzi, a wu nge swi koti ku titwa hi wexe. Ee, sweswo, sweswo hinkwaswo swi lulamile. Ndzi chava leswaku ndzi nga ta lova ndzi nga ri na xona.

¹⁰ Swingaleswi vana lava—lava vantsongo, minkarhi yin'wana va va haxa kunene, ekerekene, loko va ha ri vana lava va nga tindzumulo. Nakona, hakunene, sweswo swi huma eka kereke ya Khatholiki, hi ku endla vana lavantsongo ku va vakreste, kumbe "ku khuvula" tanahi laha va va vitanaka hakona loko va ha ri vanakulorhi lavantsongo. Kereke ya Methodist yi swi humeserile ehandle, swa nkhuvulo wa ticece, na vo tala, nakona ndzi ehleketa tin'wana to tala. Ndzi ehleketa leswaku sweswo i ku hambana exikarhi ka Nazarene na Methodist ya fexemi ya khale, a ku ri nkhuvulo wa ticece, na ku phatlukanyana na swin'wana na swin'wana. Kambe, hambi ku nga va ndlela yihi, a swi tano, a ndzi ehleketa leswaku swi na nkoka ngopfu. Hikuva, endzhaku eka hinkwaswo, ndzi ehleketa leswaku Khalivhari yi humesele nchumu ehandle, kwalahaya, eka hinkwaswo ka swona, sweswo swi lulamile, hikuva Yesu u fele kwalahaya ku ta ponisa vana lavantsongo na ku ponisa misava.

¹¹ Nakona n'wana lontsongo, swi nga ri na mhaka leswaku i mutswari wa muxaka wihi a nga na yena, hilaha a nga ni vudyohi hakona, sweswo a swi nga ta endla ku hambana, hikuva Ngati ya Yesu Kreste ya n'wi basisa, ma vona, nakona lexi i Xinyimpfana xa Xikwembu lexi xi susaka vudyoho bya misava. N'wana yaloye a nga swi tivi ku hundzuka. A nga switivi leswaku ku hundzuka i yini. A nga na xivangelo xa ku va a ri kona lahawani, xa yena n'winyi. A nga ka a nga mi byeli leswaku hikokwalaho ka yini a ri lahawani. Kambe Xikwembu xi n'wi rhumele kwalahawani, nakona Ngati ya Yesu Kreste yi n'wi basisa xikan'we-kan'we loko a ta emisaveni. Nakona swi va kona ku kukondza a fika eka malembe ya vutihlamuleri, kutani a tiva leswinene na leswo hoxeka, kutani leswi a swi endlaka u fanele ku hundzuka eka leswi a swi tivaka leswaku u endlile xihoxo. Hi swona sweswo.

Swingaleswi, van'wana va vona vo va haxa kunene, ni ku va va ehleketa leswaku a ve nge yi eTilweni.

¹² Kutani ku na ku dyondzisa loku ku vulaka leswaku loko n'wana a tswariwile hi vatswari va Moya lowo Kwetsima, kunene, n'wana u ta ya eTilweni; kambe, loko swi nga ri tano, a ka ha ri na swo tala eka yena, n'wana ntsena a nga ha ri kona. Xexo hakunene i xihoxo. Xana i ku hambana kwihi loku swi ku endlaka loko ku ri leswaku i vatswari va Moya lowo Kwetsima xana? Hinkwaswo i ku navela ka timhaka ta masangu, nakona n'wana u tswarewa hi ndlela yo fana. Swingaleswi, hinkwaswo i "ku tswaleriwela evudyohweni, hi vumbihi evubihini, hi ta emisaveni hi ri karhi hi vulavula vunwa." Yalawa, yalawa i swiga swa Matsalwa.

¹³ Swingaleswi, manuku Ngati ya Yesu Kreste ya basisa yi tlhela yi endla xikhumelo eka n'wana yaloye. Loko a file, hi ku hetiseka u ta ya eVukoneni bya Xikwembu, loko a tswariwile hi vatswari vo dyoha ngopfu emisaveni, ku fikela laha a fikaka eka malembe ya yutihlamuleri laha a tivaka swo lulama na swo hoxeka. Kutani leswi a swi endlaka, ku sukela kwalano, u ta fanela ku rivaleriwa eka sweswo. U ta fanela ku kombela ku hundzuka ka yena n'winyi ku sukela kwalano ku ya emahlweni. Kambe loko a ha ri n'wana...

¹⁴ Sweswi, hi ndlela leyi hi ringetaka ku landzela, lahawani etabernakeleni. I ndzhawu yi ri yoxe emisaveni laha ndzi yaka kona, ndzi chumayela dyondzo, hi kona lahawani etabernakeleni, hikuva leyi i kereke ya hina. Nakona hi chumayela dyondzo lahawani ku endlela leswaku vanhu va fola. Vavanuna van'wana, eka tikereke ta vona, va chumayela swin'wana na swin'wana leswi va swi pfumelaka. Nakona i vamakwerhu va mina, nakona hi nga ha hambana swintsongonyana, kambe hambiswiritano ha ha ri vamakwerhu ntsena hilaha ku fanaka. Nakona, kambe lahawani etabernakeleni, hi chumayela leswi hi ehleketa leswaku i Dyondzo ya Xitsalwa. Kutani, kwalahaya, hi vona ku katekisiwa ka vana, leswi hi swi vitanaka ku katekisa, nkarhi wun'we ntsena eBibeleni laha hi nga kumisisaka, kumbe laha eka Testament Leyintshwa laha vana lavantsongo va nga tshama va va na swo swi endla, kumbe Kreste a ri na swin'wana na swin'wana swo swi endla eka swona eka ntirho wa ximfumo, a ku ri leswaku, U va tlakurile emavokweni ya Yena na ku tlhandleka mavoko ya Yena ehenhla ka vona kutani a va katekisa, kutani a ku, "Tshikani vana lavantsongo va ta eka Mina. Mi nga va sivel, hikuva Mfumo wa Xikwembu i wa lava va kotisaka vona."

¹⁵ Sweswi, hi sele, tanihi laha hi swi twisisaka, ku va hi yisa emahlweni ntirho lowu Yena a nga tela ku—ku wu fikelela. Rifu ra yena eKhaliyhari, A ri na hina nakona U fambile a suka... humile eka Xikwembu, a ta emisaveni, a tlhelela eka Xikwembu, kumbe ku suka emisaveni ku ya eka Xikwembu, a

tlhela a vuya nakambe hi xivumbeko xa Moya lowo Kwetsima, nakona u na hina, endzeni ka hina, ku ya fika emakun'wini ya misava, a ri karhi a tirha eKerekeni ya Yena ntirho lowu fanaka lowu A nga wu endla loko A ha ri kwala emisaveni. Kutani, hi sweswo, hi teka vana va hina un'wana a ya eka un'wana, ku ya eka tiministara, kutani va va khongeleta, va tlhandleka mavoko ya vona ehenhla ka vona kutani va va katekisela eka Xikwembu. Ntsena i ntirho lowuntsongo wa ximfumo ku va hi vula leswaku ha swi khensa leswi Hosi yi nga hi endlela swona na vana lavantsongo.

¹⁶ Sweswi, loko lontsongo wa n'wina a haxiwile kunene, kumbe hambi ku nga va ndlela yihi kumbe yihi leyi swi nga xiswona ekerekeni ya n'wina, ehleketa. A hi vuli nchumu na wun'we wo lwisana na sweswo. Swi lulamile. Kambe, hi Xitsalwa, hi kuma ndzhawu yin'we ntsena, kwalaho hi laha Yesu a nga va katekisa, hi Yexe. Sweswo ndzi ta swi hlaya, loko Hosi yi swi rhandza, e—eRitweni lahawani. Ha swi kuma, eka Mukwetsimi Luka... ndzi pfumela leswaku i—i kavanyisa ka vu10, nakona hi sungula hi ndzimana ya vu13. [Marka 10:13–16—Translator.]

Kutani va tisa vana lavantsongo eka Yena, leswaku a va khumbha: kutani vadyondzisiwa va yena va tshinya lava va vatisaka.

Kambe loko Yesu a swi vona, a vilela ngopfu, kutani a ku eka vona, Tshikani vana lavantsongo va ta eka mina, mi nga tshuki mi va sivela: hikuva mfumo wa Xikwembu i wa lava fanaka na vona.

Ndzi tiyisile ndzi ri ka n'wina, La nga amukeriki mfumo wa Xikwembu tanahi n'wana lontsongo, a nga ka a nga ngheni ka wona.

Kutani a va tlakula hi mavoko ya yena, kutani a va tlhandleka mavoko ya yena, kutani a va katekisa.

¹⁷ Sweswo swa rhandzeka? U te, “Sweswi, tshikani vana lavantsongo va ta eka Mina. Mi nga va siveli, hikuva i wa lava kotisaka valava, lava va kotisaka n'wana lontsongo, i va Mfumo wa Xikwembu.” Kutani A va tlakula hi mavoko ya Yena kutani a va katekisa.

¹⁸ Sweswi, hilaha hi nga rhandzaka hakona, mixo lowu, loko hi nga va na Yesu a tshamile, a ri munhu, kwalahawani eka platifomo, hi ku, “Hosi, xana U nga katekisa n'wana wa mina xana?” Oho, ku nga va... eka mathilohi ya hina ya vumunhu na timbilu ta hina ti navela ku swi vona sweswo. Kambe U kona kwala, hambiswritano, hikuva U hi nyika xileriso xo xi endla. Kutani, tanahi loko hi swi endlile, swingaleswi Wa lemuka. Hi amukela lava Yena a nga va rhumela, hi amukela Yena loyi a n'wi rhumeke, ma swi vona. Swingaleswi, U kona kwala mixo lowu. Nakona loko Sesi Gertie a nga tlakuka a ta eka piyano a ta tlanga risimu ra hina ra khale leri hi nga tolovelua ku ri tlanga nkarhi wo

leha lowu wu nga hundza, leri, "Va tiseni, tisani lavantsongo eka Yesu." Ndzi pfumela leswaku ri le bukwini kun'wana lahay. A ndzi na ntiyiso. "Tisani lavantsongo eka Yesu." Nakona loko mi ri na n'wana, n'wana lontsongo loyi o ka a nge se katekisiwa, nakona mi lava ku n'wi katekisa mixo lowu, hikokwalaho ka yini, hi ta tsakela ku swi endla.

¹⁹ Kutani ku nga ha va ku ri na tiministara tin'wana na tin'wana emuakwini, vachumayeri lava ntsena va nga swi lavaka ku ta va ta yima na hina lahayani loko ha ha katekisa vana lava eka Hosi xana? Hi ta tsaka ku va na n'wina, tanihi loko ma ha ta. Swi lulamile, ri nga va ri ri kona ebukwini lahay? U ri kumile, Makwerhu Neville? A ri kona kwalano. Swi lulamile, i vangani va ri tivaka, *Va Tiseni?* Swi lulamile, a hi ri yimbeleleni sweswi. Un'wana na un'wana kun'we, loko vamanana va ha tisa swihlangi swa vona. Swi lulamile. Swi lulamile.

...va tiseni, va tiseni,
Va tiseni ku suka emasin'wini ya vudyoho;
Va tiseni, va tiseni,
Tisani lava tsendzelekaka eka Yesu.

Va tiseni, va tiseni,
Va tiseni ku suka emasin'wini ya vudyoho;
Va tiseni, va tiseni,
Tisani lavantsongo eka Yesu.

²⁰ A hi korhamiseni tinhloko ta hina xinkadyana. Tatana wa hina wa le Matilweni, ku yima ku rhendzeleka hi altari mixo lowu ku yimile vamanana na vatataha va tlakurile vana lavantsongo emavokweni ya vona, lava Wena hi tintswalo u nga va nyika vona. Va khensa swinene hikwalaho ka vona, Hosi, nakona va va tisa lahayani eka altari mixo lowu, endlwini ya Xikwembu, leswaku va katekisiwa, va nyikela vutomi bya vona eka Wena. Wena u nyikile. Kutani ha khongela, Xikwembu, leswaku U ta va wundla u tlhela u katekisa un'wana na un'wana wa vona. Va rhangeli, nakona ingaku Tintsumi leti ti rindzaka ta Xikwembu ti nga langutisa eka un'wana na un'wana. Va nyike vutomi byo leha bya ntsako na ku tsaka. Ingaku va nga kula va va vavanuna na vavasati va Xikwembu, va mundzuku, loko ku ri leswaku mundzuku u kona.

²¹ Xikwembu, ha khongela leswaku U ta kurisa vachumayeri na vaprofeta na vadyondzisi lava va nga ta huma eka ntlawa lowu wa vana lava va nga rhendzela altari mixo lowu. Kutani loko hi dyuharile nakona hi nga ha koti ku ya emahlweni, un'wana u ta fanela ku hi teka ku suka endzhawini ku ya endzhawini, ingaku hi nga swi kota ku yima na ku twa Evhangeli loko yi chumayeriwa hi lava va nga lahayani namuntlha. Hi nyike swona, Hosi. Nakona eka rin'wana siku leri kwetsimaka loko hinkwaswo swi herile, vutomi bya hina byi herile, vatswari lava va nga rhendzela altari, ingaku hi nga kotisa Yakopo wa

khale loko a ta katekisa vana va yena hinkwavo na ku va byela hileswi makumu ya vona a ya ta va swona eka siku ro hetelela. Kutani a languta ehenhla, a ku, “Wa swi tiva, ndzi ya eku hlengeletaneni na vanhu va mina.” Nakona siku rin’wana lero kwetsima, yena na vana va yena hinkwavo, va ta hlengeletana kun’we eka tiko ro antswa. A swi hlamarisi loko Balaam a te, “Pfumelela makumu ya mina yo hetelela ya kotisa ya yena.” Xikwembu, ndza khongela leswaku U ta nyika minkateko leyi ehenhleni ka vatswari.

²² Kutani sweswi tanahi loko hi ya eku tlhandlekeni ka mavoko ehenhla ka vona, i swo saseka njhani—njhani... Na hilaha U swi endleke swi tsongahateka hakona, Hosi, leswaku hina vavanuna va misava leyi hi ta va na nkateko wo katekisa vana lavantsongo hi Vito ra Wena, hi ku tiva leswi, leswaku, leswi hi swi kombelaka, hi nyikiwa swona. Tanahi laha hi ya ka eku va katekiseni, ingaku Yesu, Munhu loyi a nga voniwangiki, Loyi a nga wa matimba hinkwawo a nga yima ekusuhi kutani a katekisa n’wana un’wana na un’wana tanahi loko hi ri karhi hi tlhandleka mavoko ya hina ehenhla ka vona na ku va nyikela eka Yena. Hikuva ha swi kombela hi Vito ra Yena. Amen.

²³ Makwerhu Glenn Funk, u na swihlangi swa yena swinharhu leswintsongo leswi swi lavaka ku katekisiwa eka Hosi.

[Xivati lexi nga riki na nchumu eka thepi. Makwerhu Branham a katekisa vana—Muheri.]

...xi—xi kamarani xaxa le xihundleni, kwalahaya etikweni ra le n’walungu, U tshembhisi—le n’wana loyi eka mina. Tatana, ingaku minkateko ya Wena yi nga ha wisela ehenhla ka yena.

Joseph, mufana wa mina, ndzi ku nyikela eka Xikwembu. Nakona ingaku vutomi bya wena byi nga va nkateko. Ingaku u nga va muprofeta, Joseph. Ingaku tintswalo ta Xikwembu ti nga wisa na wena. Ingaku Xikwembu xa tatana wa wena, Hosi Yesu Kreste, xi nga tshama xi ri karhi xi ku katekisa, xi endla vutomi bya wena leswaku ku va minkateko eka van’wana.

Hi Vito ra Yesu Kreste, ndza n’wi katekisa. Amen.

[Xivati lexi nga riki na nchumu eka thepi. Makwerhu Branham a katekisa vana—Muhleri.]

²⁴ Ma va rhandza vana lavantsongo? Swin’wana hi mayelana na vanakulorhi lavantsongo laha manana un’wana na un’wana a lavaka leswaku n’wana wa yena a katekisiwa.

Sweswi, yaleyo hi yona ndlela leyi Tata wa hina wa le Matilweni a nga xiswona eka hina vatswatsi mixo lowu. U lava leswaku un’wana na un’wana wa hina a katekisiwa. U hi vekela emahlweni ka nchumu wun’wana, ntseña a hi humesela wona a hi nyika, tanahi ku vula leswaku, “Lahawani, Ndzi lava leswaku u katekisiwa, n’wana wa Mina.” Xana A nga sasekanga xana?

Swingaleswi hi nga ha n'wi khensa Tatana wa le Matilweni wa malwandla kukotisa yaloye.

²⁵ Sweswi, eka ku katekisiwa ka vana lavantsongo, ma swi tiva, ntsena a ndzi ri eku hlayeni lahayani eka Matsalwa siku rin'wana, kun'wana lahayani, a ku ri eka Testamente ya Khale, leswaku, nchumu wa kahle lowu hakunene ndzi—ndzi nga khensa ku wu hlaya. Hi lowu, kona kwala. "Kutani Nathanael a ku eka Davida, 'Endla hinkwaswo leswi swi nga embilwini ya wena, hikuva Xikwembu xi na wena.'" Ma vona? Endla leswi swi nga embilwini ya wena. Nakona minkarhi yo tala ndzi—ndzi kume leswi, munghana wa Mukreste, leswaku ndzi vule swilo ndzi nga ri eku swi tiveni leswi ndzi nga ta swi vula, nakona ndzi kuma leswaku swa humelela. Leswi u swi vulaka!

²⁶ Swi vuriwile nkarhi wun'wana, Yesu u enhlele ehansi a chika entshaveni nakona U vonile nsinya lowu a wu nga ri na nchumu eka wona, a ko va matluka ntsena, nakona a ku ri ha va muhandzu, kutani A ku, "Ku ha va munhu loyi a nga ta dya eka wena ku sukela sweswi ku ya emahlweni."

²⁷ Kutani hi siku leri landzelaka, loko a ri karhi a hundza hi kona, vaapostola va vona matluka ya vunile. A ku, "Vonani hilaha nsinya wu nga vuna hakona hi ku hatlisa."

²⁸ Yesu a ku, "Vanani na ripfumelo eka Xikwembu; hikuva hambi mi nga navela yini, loko mi khongela, pfumelani leswaku mi swi amukerile nakona mi ta va na swona. Nakona hambi mi nga vula yini na yini, mi ta va na swona leswi mi swi vulaka." Ehleketa hi sweswo. Oho! Nakona kumbexani namuntlha, Moya lowo Kwetsima wa kahle wa Xikwembu, wu yimile lahayani ealtarini, mi ri... Kunene, a yi fanelanga yi khavisiwa. A yi fanelanga yi va ndzhawu yin'wana leyi yi nga lulamisiwa hi vukheta.

²⁹ Yakopo u vumbuluzile ribye nkarhi wun'wana kutani a tlhandleka nhloko ya yena eka rona, nakona ra ha tsundzukiwa na namuntlha tanahi Ribye ra Xikontsi. Kumbe, Ribye ra Xikontsi, laha vavanuna lavakulu va misava va ha ri longaka ribye lero hinkwako, ku va tihositi ta vekiwa ximfumo ehenhla ka ribye leri, ntsena ribye ra ntolovelo ra khale ri nga titshamela ensin'wini.

Bethel ntsena a ri ri nhulu ya maribye lawa ya nga tlhandlekiwa ehenhla ka man'wana, nakona ri hundzukile yindlu ya Xikwembu, ndzhawu yo tshama kona. Yakopo u te, "Leyi a hi ndzhawu yin'wana handle ka ku va yi ri yindlu ya Xikwembu." Ntsena nhulu ya maribye lawa ya nga tlhandlekiwa ehenhla ka man'wana.

³⁰ A swi kali swi teka minchumu yikulukumba leyi nga lulamisiwa hi vukheta. Swi teka ku olova na ripfumelo ku pfumela, hileswi swi tekaka swona. Sweswo hileswi swi swi endlaka.

³¹ Sweswi, hi ku tiva leswaku nkarhi sweswi wu ta famba, hi ta ringeta leswaku hi nga mi khomeleti nkarhi wo leha, hi ku tiva leswaku ka hisa nakona kereke yi tele. Swingaleswi ntsena ndzi ta vulavula na n'wina ntsena eka swinkadyana swintsongo mixo lowu, eka xinhloko-mhakani lahawani lexi nga ha... Ndzi tshembha leswaku xi ta va xi ri mpfuno eka n'wina. Kutani sweswi ndzi, loko ndzi nga se suka ekaya, ndzi tsarile ehansi swinharhu kumbe mune wa swilo leswintsongo. Ndzi te, "Ndzi ta rindzela ndzi vona leswi Hosi yi nga ta lava leswaku ndzi vulavula hi swona loko ndzi ta fika lahaya." Ndzi tsarile kwalomu ka ntsevu wa swilo swintsongo ehansi lahawani, swinhloko-mhakani, nakona ndzi tsarile xin'we, ndzi xi nghenisa exikhwameni xa mina tanihi leswi. Ndzi anakanya, "Kunene, loko ndzi fika ephuluphitini kumbexani Yi ta ndzi byela swin'wana swo vulavula hi swona." Sweswi ntsena ndzi le kule swinene tanihi laha a ndzi ri hakona ehenhla lahaya. Swingaleswi, hambiswiritano, ndzi ta hlaya Matsalwa lahawani, Hosi a yi hi pfuni ku Ma twisia. Kavanyisa ka vu14 ka Mukwetsimi Luka, nakona a hi sunguleni hi ya kwalomu ka makumenharhu-...ndzimana ya vu31 ya kavanyisa ka vu14 ka Mukwetsimi Luka.

Kumbe hi yih i hosi, leyi humaka ku ya lwa ni hosi yin'wana, yi nga rhanganga hi ku tshama hansi, kutani yi vutisa leswaku xana yi ta swi kota hi khume ra magidi ku ya hlangana na leyi yi tako ku lwisana na yona yi ri na makumembirhi wa magidi xana?

Kumbexani, loko yena a nga va...ya ha ri le kule, yi ta rhumela tintsumi, kutani yi kombela swiyimo swa ku rhula.

Kutani ke, un'wana ni un'wana exikarhi ka n'wina...

³² Ndzi mi lava leswaku mi xiyisisa swinene. Sweswi, xo sungula U te... I xifananiso. U te, "Sweswi, ku na hosi yi nga eku teni, nakona yi na masocha ya makumembirhi wa magidi; nakona hosi leyi yi ya eku hlanganeni na yena, nakona yena o va na khume ra magidi ntsena wa masocha. Swingaleswi, xo sungula, u tshama ehansi a vutisa loko a lulamerile, loko a ta swi kota kumbe loko a ta ka a nga swi koti." Hinkwaswo swi lulamile.

...exikarhi ka n'wina la nga tshikiki leswi a nga na swona hinkwaswo, a nga ka a nga koti ku va mudyondzisiwa wa mina. (Ma vona?)

³³ Sweswi ingaku Hosi yi nga engetela mikateko ya Yona eka Rito leri. Sweswi hi nga korhamisa tinhloko ta hina ntsena xinkadyana.

³⁴ Tata wa hina wa le Matilweni, Wena La tivaka swilo hinkwaswo, nakona u nga tekeriki enhlokweni yumunhu bya munhu, hikuva munhu i yini leswaku Wena u nga n'wi tekela

enhlokweni xana? U endlile munhu, nakona o va ntsena loyi a kotisaka xiluva xa nsimu: namunlha xi sasekile, mundzuku xa tsemiwa, xi cheriwa exitikweni, nakona xi vuna xi hela. Nakona ndza Ku khongela, Xikwembu, leswaku u va na ntsetselelo eka hina namunlha nakona u pfumelela un'wana na un'wana leswaku a tihlaya xitoko namunlha. Hi kona lahawani tanihi le ndlwini ya ndzulamiso. Hi lahawani ku ta dyondza na ku tiva hilaha hi faneleke ku hanya hakona, nakona swi pfumeleli swi ta swi suka eRitweni ra Wena namunlha, O Xikwembu lexi nga ri ki na Makumu. Vana va Wena vo tala va hlengeletanile, nakona vo tala va vona va vile vana va Wena ku ringana malembe, kambe, tanihi sweswo, hinkwerhu hi vuyela endzhaku endlwini ya Xikwembu, ku ta dyondza, ku ta tiva. Nakona mina, nandza wa Wena, ndzi tsakela ku tiva swo tala hi Wena. Nakona ndza khongela leswaku U ta tisa huhutelo wa Evhangeli ehenhla ka hina hinkwerhu, ehenhla ka nandza wa Wena, na leswaku Vukona bya Wena, na ku hi hlohlotela eka muako lowu, swi ta va leswikulu swinene namunlha, leswaku hi ta suka, etimbilwini ta hina, hi ri karhi hi navela ku va malandza yo antswa ya Wena, leswaku swi ta hi vuyerisa ku va hi ri lahawani. O Xikwembu xa ntsetselelo, nyika minkateko leyi hi Vito ra Yesu, N'wana wa Wena. Amen.

³⁵ Sweswi ingaku Hosi yi nga engetela mikateko ya Yona eka Rito tanihi loko hi hlaya. Ndzi lava ku teka tsalwa mixo lowu, leswaku, "Mimoya leyi yengaka kumbe Rito ra Xikwembu?" Sweswi, yi nga ha va yi ri dyondzo leyi yi nga tololekangiki, kambe ku va ku ri etabernakeleni . . . Nakona Wavunharhu lowu wu nga hundza ni vusiku . . . Sonto lowu wu nga hundza ni mixo a ndzi vulavula hi—hi jubilee leyintsongo ya Evhangeli.

³⁶ Nakona vusiku bya Wavunharhu lowu nga hundza a ndzi ri eku chumayeleni hi wansati loyi a—a ri na ribye ra xiphopherhele ehenhla ka nhloko ya yena, kumbe e . . . U lahlekeriwile hi xin'wana xa swiphemu xa xingwece xa yena, nakona a ri eku kukuleni ka yindlu na ku va a ri eku ringeten i ka ku xi kuma loko nuna wa yena a nga se vuya. Nakona hi kuma leswaku wansati luya a ri wa muxaka wa le vuxeni, nakona u . . . nakona a yimela Kereke. Nakona bendlele ra mucato a ri nga tololekanga ku ambariwa erintihweni. A ri ambariwa ku rhendzeleka na nhloko, ri ri na swiphemu swa nkaye swa silivhere eka rona. Kutani loko wansati a va nghwavava, a va teka xiphemu xin'we xa silivhere kutani va kombisa leswaku a ri nghwavava. Swingaleswi wansati loyi u lahle xin'we xa swiphemu leswi, a nga ri nghwavava. Kambe nuna wa yena a ri ekule, nakona a ri eku ringeten i ka ku hatla a kuma xiphemu lexiya, leswaku a xi tlherisela endzhaku eka ribye ra xiphopherhele yena, hikuva loko nuna wa yena a vuya a ta swi tiva leswaku u kumiwile evuoswini, nakona a swi ta vula ku fayeka ka muti na swin'wana na swin'wana. Nakona ndzi swi

tirhisile sweswo eka swinkadyana swintsongo eka kereke, hi lahlile vunyingi bya swilo leswikulu. Nakona i nkarhi wa ku va Tatana a vuya, swingaleswi hi fanele ku swi hlota. Sweswi, hi ku tiva ekerekeni, na tabernakele ya hina . . .

³⁷ Kutani ndzi—ndzi lava ku vulavula hi *Mimoya Leyi Yengaka*, laha hakunene yi nga ha nhloko-hatiwaka *Dyondzo Ya Madimona*. Mi twa swo tala ngopfu hi madimona, ya masiku lawa, kambe mi twa swintsongo hilaha ma susiwaka hakona. Hina hinkwerhu ha—ha swi tiva leswaku ku na vajavulosi, kambe, nchumu lowu landzelaka i ku, wu susiwa njhani nchumu walowo. Nakona sweswi ku na . . . Ku va na, hi tintswalo ta Xikwembu, nkateko wo tala wo tirhana na swilo leswi swi vuriwaka madimona, na ku hlangana na swona eka pulatifomo na le ku fambeni ka masiku hinkawo, nakona, hikokwalaho ka yini, ndzi nga tsakela ku languta eka Matsalwa mixo lowu kutani ndzi kumisisa ntsena leswaku swilo leswi kasi swi yini.

³⁸ Sweswi, hi swi tirhisile eka xikhongelo xo horisa, minkarhi hinkwayo eka tlhelo ro horisa. Mfukuzani, ximpfimbo, papa ra le tihlwени, rifuva, hinkwaswo swilo sweswo a hi swilo swa ntumbuluko, i swa le henhla ka ntumbuluko nakona i madimona. Matsalwa ya swi kombisa kahle erivaleni sweswo. Kambe yalawa i madimona emirini, na swimila, kukotisa mfukuzani, swi na vutomi eka swona, nakona vutomi bya swona i dimona. Ximila xa papa ra le tihlwени, ku hangalaka ka rifuva, na mavabyi man'wana, i madimona. Sweswo swi le ka xivumbeko xa ximunhu.

³⁹ Sweswi, mixo lowu hi ya eku vulavuleni—vulavuleni hi madimona lawa ya nga eka xivumbeko xa ximoya eka moyaxiviri. Ya le ka moyaxiviri ku fana ni loko ya ri emirini. Nakona ha boheka ku pfumela leswaku ha ma vona eka mimiri ya vanhu, tanihi timfukuzani na—na mavabyi yo hambanana lawa ya nga emirini wa ximunhu.

⁴⁰ Ntsena swa sweswinyana, hambi ku ri mfukuzani yi hlambanyiwile ku va yi ri vuvabyi bya xivandla xa ximoya xa vumune, leswaku byi le ka xivandla xin'wana xa ximoya. Hakunene, i dyondzo ya madimona. Vuvabyi byin'wana na byin'wana byi vuvabyi bya xivandla xa vumune xa ximoya, masungulo ya byona.

⁴¹ Sweswi, kambe sweswi mfukuzani emirini kumbe mfukuzani eka moyaxiviri, dimona ri nga ha nghena eka ndzhawu yin'wana na yin'wana. Sweswi, ku na minkarhi yo tala na vanhu vo tala lava nga ni mianakanyo ya kahle leyi . . . na vanhu va kahle lava va nga ringeta minkarhi yo tala ku—ku wisela ehenhla ka tidyondzo ta vukhongerinyana leti va nga na tona, kumbe swin'wana leswi va nga dyondzisiwa ku sukela loko va ha ri vana, nakona hambiswiritano swi tama swa ha kumeka endzeni ka vona, ehansi endzeni ka moyaxiviri

wa vona, leswaku hambiswiritano va ha ri na swin'wana leswi nga riki kahle. N'wina, vo tala va kona kwala mixo lowu, a swi kanakanisi kwihi na kwihi laha u nga kumaka Vakreste va hlengeletanile kun'we, u kuma vanhu lava nga na mimoya yaleyo endzeni ka vona, leswaku va... A swi naveleki. A va yi lavi. Va ri, "Oho, loko ntsena ndzi nga tshika ku hemba! Loko ntsena ndzi nga tshika ku navela! Loko ntsena ndzi nga tshika *leswi* kumbe *sweswo!*" Sweswi, sweswo i vajavulosi. Nakona, sweswi, va ta hi xivumbeko xa vukhongeri, nkarhi wo tala. (Ku va ku ri xikolo xa Sonto, i nkarhi wo dyondzisa, swingaleswi a hi languteni eka leswi.) Sweswi, ya ta hi xivumbeko xa vukhongeri, nkarhi wo tala.

⁴² Sweswi, eMatsalweni, kan'we, a ku ri na wanuna hi vito ra Yehoxofati, wanuna wa kahle, wanuna la khongelaka. Kutani u yile eka hosi yin'wana leyi a yi ri hosi ya—ya Israel. Nakona yena, Yehoxafati, ku va a ri hosi ya Yuda. Kutani u rhelerile eka Akab, hosi ya Israel, kutani va kumekeva khomanile kun'we, kutani va endla vuxaka havumbirhi, leswaku va ya lwa eRamoth Gilead. Nakona va swi endlile va nga rhanganga va khongela.

⁴³ Oho, loko vanhu ntsena va nga lemuka! Hikokwalaho ndzi taka mixo lowu naswona ndzi mi kombela leswaku mi ndzi tsundzuka tanahi laha ndzi yaka endzhandzheni wa malwandle. Eka swilo hinkwaswo, khongelani!

Un'wana u tile siku rin'wana a fika a ku, "Makwerhu Branham, xana u ehleketa leswaku swi hoxekile ku endla nchumu wo karhi xana?"

⁴⁴ Ndzi ku, "Hikokwalaho ka yini u vutisa mayelana na sweswo?" Wa vona? Loko ku ri na xivutiso emiehlekeweni ya wena, swi tshike swi ri swoxe, u nga swi endlili na swintsongo. Ntsena tshama na sweswo. Loko u sungula ku endla xin'wana na xin'wana, nakona loko ku ri xivutiso loko swi ri kahle kumbe swi hoxekile, fambela ekule na swona. U nga ngheni eka swona na swintsongo, kutani u ta swi tiva leswaku u lulamile.

⁴⁵ Sweswi, swilo hinkwaswo swi fanele ku tekeriwa enhlokweni hi xikhongelo, xo rhanga. "Rhangan mi lava Mfumo wa Xikwembu na ku lulama ka Xona, kutani leswin'wana hinkwaswo swi ta engeteleriwa." Ndzi na ntiyiso lowu wu hetisekeke mixo lowu, loko vavanuna na vavasati va nga nghena eka xiyimo xa laha moyaxiviri wa vona, ku ehleketa ka vona, matikhomele ya vona, swi nga va leswi hetisekeke emahlweni ka Xikwembu, yaleyo yi nga va yi ri yin'wana ya tikereke ta matimba swinene leti ti nga tshama ti va kona.

⁴⁶ Langutani ntsena eka swinkadyana swintsongo eka swa xinyama. Sweswi, hi tano, hi na, minkarhi yo tala, hi vile eka malembe, hi na lexi mi xi vitanaka "xivhumbhi xa vunwa." U nga ha xi vekela eka xinungu xa wena, va xi vekela ku rhendzeleka hi tinhloko ta—ta vona, nakona u nga ha nghena

kwalahaya u ringeta hi vuswikoti bya wena byo antswa ku endla vunwa leswaku byi twakala tanihi ntiyiso, nakona xi ta tsala leswi landzulaka nkarhi hinkwawo, hikuva munhu a nga endleriwanga ku hemba. Ku hemba i vukanganyisi, nchumu wo nonohwa, nchumu wo biha. Swi nga ha antswa ndzi va na xi lovekelo, siku rin'wana na rin'wana, ku tlula muhembí. Wa vona? Muhembí! Nakona miri wa wena a wu endleriwanga ku hemba. Swi nga ri na mhaka leswaku u dyohe njhani, u tama wa ha ri n'wana la weke wa Xikwembu. Munhu la nga mudyohi ngopfu eka doroba leri namuntlha, Xikwembu a xi ku endlanga leswaku u va mudyohi. A xi lava leswaku u va jaha kumbe nhwana wa Xona. U endliwile hi mekapu ya Xona N'winyi. Kambe vudyoho byi vangile leswaku u endla sweswo. Nakona swi nga ri na mhaka leswaku u ringeta ku fika kwihí ku encenyeta na ku ringeta ku endla leswaku vunwa byi languteka byi lulamile, va na xitirhisiwa xa xisayense lexi xi khorwisaka leswaku swi hoxekile. U nga ha swi vula ni hinkwako ku tengá emahanyelweni lokú u ku lavaka, kambe xi ta tama xa ha tsarisa leswi swi landzulaka; hikuva ku na ripfalo endzeni ka munhu, nakona ripfalo lero ra swi tiva leswi nga ntiyiso. Nakona swi nga ri na mhaka ni leswi u swi vulaka lahaya, ripfalo lero ra swi tiva leswaku i vunwa, nakona xi ta tsarisa ripfalo.

⁴⁷ Swingaleswi, loko wanuna kumbe wansati va nga kala va veka mianakanyo ya vona, na vumbhoni bya vona na vutomi bya vona swi fola na Xikwembu (amen) kukondza foro ya Moya lowo Kwetsima yi va yin'we hi ku hetiseka na Xikwembu, leswi swi nga humevelaka! Loko wanuna na wansati va nga kumeka va forile, laha hi ntshuxeko wo huma a timbilwini ta vona, hi ripfumelo ku suka emakorhweni!

⁴⁸ Vanhu vo tala va ta ealtarini ku ta khongeleriwa, va na ripfumelo ra vutlhärhi. Va tivula swidyoho swa vona na ku joyina na kereke, hi ripfumelo ra vutlhärhi. Va ri pfumela endzeni ka miehleketo ya vona—vona. Va ri pfumela hikuva va ri twile. Va ri pfumela hikuva va swi tiva leswaku i ndzindza-khombo wo antswa. Kambe sweswo a hi leswi Xikwembu xi langutisaka swona. A xi langutisi eka ripfumelo ra wena ra vutlhärhi.

⁴⁹ Xi langutisa embilwini, laha endzeni Xikwembu . . . Nakona loko swi ta ku suka embilwini, hinkwaswo swa koteka manuku. Ku tivula ka wena ku hlangana na vutomi bya wena. Vutomi bya wena byi vulavula byi rhasa tanihi laha ku tivula ka wena ku swi endlaka.

⁵⁰ Kambe loko ku tivula ka wena ku vula nchumu wun'we, kutani vutomi bya wena byi hanya swin'wana, ku na swin'wana swi nga hoxeka kun'wana. Sweswo swi hikuva u ri na ripfumelo ra vutlhärhi, nakona ri nga ri ripfumelo ro huma embilwini ya wena. Nakona sweswo swi kombisa leswaku ehandle, *lahawani*, i vutivi bya Xikwembu; kambe endzeni, *lahawani*, i dimona leri ri kanakanaka. “Ndza pfumela eka ku horisa ka Vukwembu,

kambe a hi swa mina.” Wa vona? “Aha, swi nga ha va tano, kambe a ndzi swi pfumeli.” Wa swi kuma? Ehandle, u ri “ina”; endzeni, ripfalo ra wena ri ri “ee.” Wona nchumu lowu fanaka wa xisayense wu nga ha khorwisa leswaku sweswo a swi nga ri swona leswo lulama, wa swikhorwisa.

⁵¹ Xiyisisani loko tihosí letí, loko ti nge se sungula, a ti fanele ku va na... Loko Yehoxafati a nga se endla vuxaka na Akab, a fanele a rhange hi ku vula leswaku, “A hi khongeli hi vona leswi ku rhandza ka Hosi ku nga swona.”

⁵² Ndzi nyike muchumayeri, ndzi nyike Mukreste, ndzi nyike nsati wa muti loyi a nga Mukreste, ndzi nyike n’wamapurasi, kumbe mutirhi wa le femeni, loyi a nga ta rhangisa Xikwembu eka hinkwaswo, ndzi ta mi komba munhu loyi a nga ta humeleta ku nga hlayiwi na hinkwaswo leswi javulosi a nga n’wi vekelaka swona. U lava Xikwembu, xo rhanga. Hi fanele ku rhanga hi va...

⁵³ Kambe a va swi endlanga. Hinkwavo a va rhendzeriwile hi papa hikuva Akab a ri na mfumo lowukulu lowu vangamaka, nakona a endlile swilo swo tala ngopfu, naswona a ri na swikhaviso swa yena leswa kahle, nsuku wa yena na silivhere ya yena, a ri lowa kahle, wanuna la nga humeleta, hambiswiritano a ri la nga pfumeriki.

⁵⁴ Nakona kwalaho hilaha misava yi nga kona namuntlha. Kwalaho hilaha Amerika ri nga kona namuntlha. Kwalaho hilaha tikereke ti yimaka kona namuntlha. Hi akile tin’wana ta tikereke to antswa leti ti nga tshama ti akiwa. Hi vile na swidyondzeki leswi nga pholichiwa ku antswa ku tlula leswi hi nga tshama hi va na swona. Hi dyondzisile ntivo-vukwembu byin’wana byo antswa, na swin’wana na swin’wana, hi dyondza na ku yimbelela kukotisa Tintsumi, kambe hambiswiritano ka ha ri na ku tsana kun’wana. Ku na ku tsana, hikuva va humile va landzelela dyondzo ya munhu na mimoya leyí yengaka, ematshan’wini yo tlhelela endzhaku eRitweni ra Xikwembu. Va ringeta ku endla swilo swi fambelana kukotisa misava. Va ringetile ku vekela mavoningo yo hatima ehenhla ka yona, kukotisa Hollywood.

⁵⁵ Lahawani siku rin’wana, dinominexini yo duma, mfumo wa Full Gospel eKansas City, kumbe, ndzi khomeleni, eDenver, eka ntsombani, yi le ku akeni ka muako wa kereke wa miliyoni ya tidolara. Nakona magidi ya timixinari ya rindzerile ntlhanu wa macheleni ku suka eka yona dinominexini yaleyo, ku ta rhwala Evhangeli yi ya eka vahedeni. Leswi hi swi lavaka namuntlha i miehleketo ya vumixinari, lowu rhumeriweke hi Xikwembu, mpfuxelelo lowu nga tswariwa hi Moya lowo Kwetsima, lowu wu nga ta va na vuhisekerí bya Xikwembu, ku ta susumeta ku ya fika emakhwatini lahaya na ku endlela Xikwembu swin’wana,

ematshan'wini ya ku aka letikulu, tikereke ta kahle na ku ringeta ku va la antswaka ku tlula makhelwani.

⁵⁶ Swi nga ha antswa ndzi gandzela eka mixini, laha wu nga kukuriwa, kumbe ekamareni ya le barheni, kutani ndzi va na ntshuxeko wa Moya lowo Kwetsima na rirhandzu ra Xikwembu leri ri pfurhaka etimbilwini, ku tlula ku tshama eka kereke leyikulukumba leyi hi nga na yona emisaveni nakona hi ndzondzoveteriwa ehansi hi tidyondzo ta vanhu na milawu ya kereke. Leswi hi swi lavaka namuntlha i mpfuxelelo lowu wu ninginisaka, hi tlhelela endzhaku eka Ntiyiso, hi tlhelela endzhaku eka Rito ra Xikwembu nakambe.

⁵⁷ Sweswi, loko va ta va va humile va ya lahaya, nakona a ku ri endzhaku ka xinkadyana laha Yehoxafati a nga tivuyetela kutani a ku, "Xana a ku... Kunene, a hi tihlanganiseni na Hosi hileswi."

⁵⁸ U te, "Hinkwaswo swi lulamile," Akab u swi endlile, nakona u rhumerile kutani u kumile dzana, mune wa madzana ya vachumayeri lava va nga leteriwa. Nakona u va tisile ehenhla lahaya kutani a ku, "Lava i vaprofeta hinkwavo."

⁵⁹ Nakona va yile eka vuloyi bya vona, kutani va sungula ku vitana. Kutani va ku, "Ina, fambani hi ku rhula. Hosi yi na n'wina."

⁶⁰ Kutani endzhaku ka loko lavaya va mune wa madzana va nyike vumbhoni bya leswaku va fanele ku ya kona hi ku rhula, hambileswi Yehoxafati a swi tiva... Ma swi kuma xana? Ma vona, ehansi endzeni ka mbilu ya wanuna luya wo lulama a ku ri na swin'wana swi nga n'wi byela leswaku a ku ri na xikhovokhovo endleveni ya nguluve kun'wana. Swin'wana a swi hoxekile.

⁶¹ Akab u te, "Sweswi hi na mune wa madzana lahwani, nakona hi moyo wun'we, un'wana na un'wana wa vona u ri, 'Fambani, Hosi yi na n'wina.'"

Kambe Yehoxafati a ku, "A mi na un'wanyana xana?"

⁶² A ku, "Kunene, xana hi lava yini eka un'wanyana, endzhaku ka loko hi ri na mune wa madzana ya vavanuna lava va nga dyondzeka ku antswa etikweni xana? Hinkwavo va ri 'Fambani!'" Sweswo a ku ri swa vutlharhi. Kambe ehansi ka mbilu ya Yehoxafati a swi tiva leswaku a ku ri na swin'wana swi nga hoxeka. Sweswi, u te, "Hi na un'wanyana, hi yena Mikiya. Kambe ndza n'wi venga." A ku, "U tshamela ro vula swo biha, na ku humeleta loko a ri ha va lexi a nga xi endlaka, nakona u le ku yiseni ehansi tikereke na swilo hinkwaswo." A ku, "Ndza n'wi venga."

A ku, "Fambani, mi ya n'wi kuma, nakona a hi voneni leswi a nga ta swi vula."

⁶³ Kutani loko Mikiya a fika, u te . . . Va te, "Sweswi, langutani, u vula swo fana na leswi hinkwavo va nga swi vula."

⁶⁴ A ku, a ku, "Ntsena ndzi ta . . ." Hileswi. "Ndzi ta vula ntsena leswi Xikwembu xi swi vulaka." Amen. "Swi nga ri na mhaka leswaku muprefeta wa wena u ri yini, ni leswaku *loyi* u ri yini, na leswi kereke ya wena yi swi vulaka, na leswi va swi vulaka. Ndzi ta vula leswi Xikwembu xi vulaka swona. Xikwembu xi vekile emilon'weni ya mina nakona ndzi ta vula leswi Xi swi vulaka." Leswi hi swi lavaka namuntlha hi van'wana va Mikiya vo engetelela lava va nga ta vula leswi Xikwembu xi vulaka swona. Xiyisisani, swingaleswi va n'wi kumile ehenhla lahaya, nakona u te, "Ndzi nyiki vusiku lebyi." Swingaleswi vusiku byebyo Hosi yi hlanganile na yena, kutani u vuyile hi mixo lowu wu landzelaka. Loko tihosim birhi ti ta tshama enyangweni, u te, "Tlhandlukani." A ku, "Tlhandlukani. Kambe," a ku, "Ndzi vona Israel ri hangalakile kukotisa tinyimpfu leti ti pfumalaka murisi."

⁶⁵ Swingaleswi muchumayeri loyi un'we, a tiambexile, a ya a ya n'wi makala enon'weni, kutani a ku, "I ndlela yihi leyi Moya wa Xikwembu wu nga ya kona loko Wu ta va wu humile eka mina xana?"

A ku, "U ta swi kumisisa loko u vuya." Ina.

⁶⁶ A ku, "Yingisani lahawani!" A ku, "Hi malandza ya Xikwembu. Hi mune wa madzana, nakona wena wo va un'we."

⁶⁷ Kambe Mikiya a ku, "Ndzi ta ku byela laha khombo ra wena ri nga kona." Amen! A ku, "Ndzi vonile xivono." Amen! A ku, "Nakona ndzi vonile Xikwembu xi tshamile exiluvelweni xa Xona. Ndzi vonile vandla ra Tilo ri yimile ku rhendzeleka hi Xona. Nakona ha swi tiva leswaku Rito ra Xikwembu ri tivisile mindzhukano ehenhleni ka wanuna loyi, ku sukela eka ndlela leyi a nga endla hakona."

⁶⁸ A wu nge swi koti ku katekisa leswi Xikwembu xi nga swi rhukana, naswona javulosi a nga ka a nga rhukani leswi Xikwembu xi nga swi katekisa. I timhaka ta munhu a ri yexe, swi nga ri na mhaka leswaku u xisiwana njhani kumbe u xidlayela ku fika kwihi, hilaha u nga dyondzangiki hakona, hilaha u nga dyondzekangiki hakona. Leswi Xikwembu xi nga swi katekisa swi katekisiwile. Leswi Xikwembu xi nga swi rhukana swi rhukaniwile. Tiva ku hambanyisa leswi swi nga lulama na leswi swi nga hoxeka.

⁶⁹ Mikiya a swi tiva kahle na ku saseka leswaku liya a ku nga ri Hosi leyia yi ri na vachumayeri lavaya. Kunene, mhaka a ku ri yi ni hi vachumayeri lavaya? Xiyisisani leswi va swi endleke. A va ambale ku antswa. A va phameriwe ku antswa. A va hlengletonile kun'we eka mintlangu ya vona na swin'wana na swin'wana, na vuxaka bya vona, ku fikela laha ndzhawu yi nga fika laha a va titivela dyondzo ya vukhongeri bya vona

ntsena. Nakona Bibele yi vurile leswaku Mikiya, loko a ri karhi a langutisa eka xivono, u te, "Xikwembu xi te, 'I mani loyi hi nga n'wi kumaka leswaku a rhelela lahaya a ya kanganyisa Akab xana?" Nakona moya wo hemba wu ku, 'Ndzi ta rhelela kwalahaya ndzi ya yenga Akab hi vachumayeri lavaya, ku endla leswaku Akab a ya lahaya, hi ku endlela ku humelerisa Rito ra Xikwembu."

⁷⁰ Sweswi, namuntlha vanhu vo tala ngopfu va le ku yingiseleni... (Sweswi, xikolo xa Sonto, ndza xi rhandza.) Langutani, vanhu vo tala ngopfu va le ku yingiseleni ka mimoya leyi yengaka ematshan'wini ya ku teka Rito ra Xikwembu. Mimoya, yi le misaveni. Hi yona madimona. Nakona yi ya etindhawini nakona yi nghena exikarhi ka vavanuna, tiministara. Yi nghena exikarhi ka swirho swa kereke. Yi nghena exikarhi ka vanhu va kahle. Nakona yi endla leswaku va ya eka xigego. Nakona va vula swilo, na ku endla swilo, na ku dyondzisa swilo, na ku titoloveta swilo, leswi swi hambanaka na Rito ra Xikwembu. Namuntlha, tiministara ta nhlengeletano ya vona ti le ku pfumeleleni ka vanhu va tona leswaku va tlanga makarata etikerekeli, vo tala va vona. Sweswi, a hi Khatholiki hinkwato, ku na vo tala va Protestant va swi endlaka sweswo.

⁷¹ Leswi va nga ringeta ku swi endla hi swin'wana swo ncincisela. Va ringetile ku tekelela kungu rin'wana rintshwa. Va ringetile ku tekelela dyondzo, ku teka ndzhawu ya Moya lowo Kwetsima. U nga ka u nga swi koti ku swi endla, swi nga ri na mhaka leswaku munhu wa wena u dyondzekile ku fika kwahi. Ndzi ehleketa leswaku swi kahle eka yena ku va a dyondzekile. Kambe loko a nga ri na Moya lowo Kwetsima eka sweswo, dyondzo ya yena a yi nge n'wi pfuni nchumu. Dyondzo yi nge pfuki yi tekile ndzhawu ya vurhangeri bya Moya lowo Kwetsima. Amen.

⁷² Xiyisisani, vona, ematshan'wini ya Lowu, va ringetile ku tekelela ku qhavulana hi mavoko eka ntokoto wa nkarhi wa khale lowu a hi toloverile ku va na wona. Namuntlha kereke yi hundzukile ya ximanguva-lawa. Va famba va ya nyika voko ra xinene ra vona ra xinakulobye, nakona yaleyo i ndlela leyi va swi endlisaka xiswona. Kambe a swi nge pfuki swi tekile ndzhawu ya bence ra lava va nga na gome ra fexeni ya khale laha vadyohi va nga vitanelo kona kutani va lulama na Xikwembu. Sweswo hi swona.

⁷³ Namuntlha va le ku ringetenka ku teka ndzhawu ya Xikwembu ya xa vukhume. Va le ku ringetenka ku tekelela swin'wana. Va le kuringetenka ku swi endla swi va leswi swi hambaneke. Va rhelela ehansi va ya va na ku beja muchayeni etikerekeli, va tlanga lotho. Lotho a yi nge pfuki yi tekile ndzhawu ya Xikwembu ya xa vukhume. Swakudya swa ni madyambu, ku xavisa minkumba, tipikiniki, ku tlakusa mali leswaku ku ta hakeriwa swikweleti swo hambanana-

hambanana, swi nge pfuki swi tekile ndzhawu ya xa vukhume na minyikelo leyi nga Heriki ya Xikwembu. Swi nge pfuki swi swi endlile. Kambe hambiswiritano hi le ku ringeten'i ka ku swi endla.

⁷⁴ Xana i yini? I mimoya leyi yengaka yi xikelaka ehansi, yi ringetaka ku nci...ku ncincisa swin'wana ematshan'wini ya Rito ra Xikwembu. Xikwembu xi ha va xo ncincisa Rito ra Xona. Ri hilaha ku nga Heriki na hi masiku. Xikwembu xi ha va xo ncincisa ripfumelo hi xona. Ripfumelo ri ha va xo ncincisana. Ku tshembha a ku nge pfuki ku tekile ndzhawu ya ripfumelo. Ripfumelo ri va roxe. Ri yima ri ri roxe. A ri nge pfuki ri tekile... Ku tshembha a ku nge pfuki ku tekile ndzhawu ya rona. Ku tshembha i nchumu wa swilo leswi ku tshembheriwaka eka swona, vumbonhi bya swilo leswi nga voniwangiki, kumbe ripfumelo ri tano, swa antswa. Wa vona? Tshembho i nchumu wun'we; ripfumelo hi rin'wana. Tshembho wu tshembhela eka swona; ripfumelo ri na swona. Xin'we i ripfumelo ra vutlharhi; nakona lexin'wana i nhlavutelo lowu kongomaka wa Xikwembu. Xi nga ka xi nga yi teki ndzhawu ya rona. Hi le ku ringeten'i, kambe hi le ku endleni ka hinkwako ku ncincisa loku.

⁷⁵ Hi le ku ringeten'i ka ku aka tikereke letikulu ematshan'wini yo rhumela timixinari. I xincincanisi xin'wana. Yesu a nga kalanga a veka munhu un'wana ximfumu leswaku a aka kereke. A swi kalanga swi vekiwa ximfumo eBibeleni. Hi simekile swikolo swa vufundhisi, va pfumelerile sweswo swi teka ndzhawu ya mixinari. Hina... Yesu a nga kalanga a hi byela ku aka xikolo xa vufundhisi. Ti kahle. Dyondzo, ku ringeta ku endla sweswo swi teka ndzhawu. Swi nga ka swi nga swi endli. Xileriso xa Yesu a ku ri ku "fambani emisaveni hinkwayo mi ya chumayela Evhangeli eka xivumbiwa xin'wana na xin'wana," eka nkarhi wa makumu. Swingaleswi hinkwaswo swi ncincanisi leswi hi nga na swona swi nga ka swi nga teki ndzhawu ya xidzi.

⁷⁶ Siku rin'wana ndzi vile na ntokoto, xincinciwa. Ndzi vile na ku pandza ka tino ra mina ko rhanga, a ndzi fanele ku ri gula. Mixo lowu ndzi na tino ra xiphaza ri nga vekiwa kwalahaya. A ndzi koti no vulavula kahle. A ri nge pfuki ri tekile ndzhawu ya leriya ra ntiyiso. Ee, nkulukumba! Oho, mina!

⁷⁷ U nga ha teka wanuna u n'wi ambexxa, u n'wi endla hi mhandzi, choko, swin'wana na swin'wana leswi u lavaka ku swi endla, kutani un'wi lulamisa swi nyawula. A nga na switwi, u ha va ripfumelo. A nge pfuki a tekile ndzhawu ya munhu wa xiviri. Hambi ku nga va muhundzuki wa xiphaza loyi a taka kutani a ku, "Ndzi joyinile kereke. Ndzi ta ringeta ku endla ku antswa." Swi nge pfuki swi tekile ndzhawu ya fexeni ya khale ya xiviri, leyi nga rhuma hi Xikwembu, ku hundzuka ka Moya lowo Kwetsima loku ku endlaka leswaku munhu a va loyi a hambaneke embilwini ya yena. Swi nga ka swi nga swi endli,

hikuva ku ha va Vutomi eka swona. Ku ha va nchumu lowu wu nga n'wi nyikaka Vutomi.

⁷⁸ Lahawani ku nga ri khale ngopfu ndzi vonile n'wa-vutshila wa kahle loyi a nga tisa lexi, muvatli, ndzi vula leswaku, loyi a endleke xifaniso lexi xa Muxe. A ndzi nge ri vuli vito ra yena sweswi. I n'wa-vutshila wa Mugriki. Swi n'wi tekele vutomi bya yena. Kutani loko a ta va a vile na xona laha a nga ehleketa leswaku xi hetisekile swinene, u nyanyuriwile hi xifaniso xa Muxe, kutani a ba tsolo ra xona, a ku, "Vulavula, Muxe!" A xi languteka xi ri xa xiviri ngopfu! A xi khavisiwile xi tshamiseka swonghasi ku fikela laha xi langutekaka xi fana swinene na Muxe, eka mianakanyo ya yena, laha a nga xi ba hi hamula leswaku a xi endla xi va na vutitwi.

⁷⁹ Swi vekiwa emiehlekeweni ya kereke. Swi nga ri na mhaka leswaku u ncincisa ku fika kwihi, u na nhlengeletano yo kurisa ku yini, u kahle njhani loko u yimbelela tinsimu ta wena, hilaha nhlengeletano ya wena yi ambalaka kahle hakona, hilaha u nga swi kuma hakona *leswi*, *sweswo*, kumbe *leswin'wana*, u nga ha ba, u twa, hambi ku nga va yini. Swi nga ka swi nga teki ndzhawu ya Vutomi, ku fikela laha Kreste a xikelaka ehansi hi xivumbeko xa Moya lowo Kwetsima, wu nghena eka kereke yaleyo, wu fika wu yi nyika ntokoto wunshwa wa ku va yi tswariwe nakambe. Swi nge pfuki swi tekile ndzhawu ya Rito ra Xikwembu. Rito ra Xikwembu ri yima ri ri roxe.

⁸⁰ Mikiya a ri na Rito. A swi tiva leswaku a ri na Rito. A ri na Rito leri nga tsariwa, a tlhela a va na Rona nakambe hi xivono. A swi tiva leswi Xikwembu xi nga swi vula eRitweni ra Xona. A swi tiva leswi Xikwembu xi nga swi vula hi xivono. Ha vumbirhi va hlanganile. A swi tiva leswaku a swi ri Ntiyiso, swingaleswi a nga chavi.

⁸¹ Kambe moya lowu yengaka, langutani leswi wu nga swi endla, namuntilha. Ku endla swirho swo tala swa kereke, ku endla swirho swo antswa swa kereke, wu tshikile swigogo ehansi eka madyondzisele hinkwawo ya fexeni ya xikhale ya Moya lowo Kwetsima. Wu pfumelerile vavanuna leswaku va va na mintlangu yo tiphina na van'wana, ehandle ku ya eka kamara ra le hansi laha va nga tlangaka kona tigeyimi. Sweswo swi nge pfuki swi ncincisile kamara ra le henhla, laha a va khongelela Moya lowo Kwetsima. Wu pfumelerile vavasati ku hlangana kun'we va vula mafenya na swin'wana, na ku va na swilo swo tala leswi nga hanyiki leswi ku nga ri ki na nchumu eka swona. Sweswo swi nge pfuki swi tekile ndzhawu ya nhlengeletano ya xikhongelo. Vavasati, hi ndlela leyi va humaka hi yona na maambalelo namuntilha, swi—swi na tingana.

⁸² Ndzi twile vulavulele leri Makwerhu Neville a nga ri endla, u te, "Vambuyangwani vanhu va Amerika," a ku, "va rhumerile swiambalo swa vona hinkwaswo etsungeni wa malwandle."

Sweswo swi lulamile. Va famba hi ku rhendzeleka hi swiambalo swa vona swa le ndzeni. Va . . . Sweswo swi lulamile. Va ta va va swi nyiketile timixinari, hikuva timixinari . . . Vanhu na vahedeni etikweni lerin'wana va swi ambarile. Vanhu lava va le ku hanyeni ehandle ka swona, swi languteka kukotisa loko va swi tsakela.

⁸³ Ndzi ta mi byela, ku na swin'wana leswi swi nga hombolokisiwa, nakona sweswo i ku chumayeriwa ka Evhangeli ya Hosi Yesu Kreste. I madimona lawa ya hluvulaka swiambalo swa n'wina. A swi se tshama swi va kona ehandle ka munhu un'we eBibeleni loyi a nga tshama a handzulela swiambalo swa yena, yaloye a ri wanuna loyi a khomiwile hi madimona. Nakona u ta hi xivumbeko xo rhula namuntlha, kukotisa loko a rhandza ku tshama na vanhu, tanahi loko a ri kahle, tanahi loko hinkwaswo swi lulamile. "I maxelo yo hola, nakona ya mi endla mi hola loko mi hluvula swiambalo swa n'wina." Vavanuna va ya ehenhla na le hansi va nga ambalanga, hafu emajarateni, na vavasati swi tano. Hikokwalaho ka yini, mi kumeka mi ri karhi mi nga ha ri na nhloniphonku tlula loko ku ri ka timbyana, un'wana eka un'wana. Xana mhaka i yini xana? A ndzi le ku ringetenka ku mi vavisa. Ntsena ndzi le ku ringetenka ku mi byela leswaku i ku khomiwa hi madimona, nakona mi le ku yingiseni ka mimoya leyi yi kokaka rinoko leyi yi mi byelaka leswaku, "sweswo hinkwaswo swi lulamile," kambe swi vunwa.

⁸⁴ Ndoho ya koroni yi ta tswala ntsena koroni. Loko u ri Mukreste, a wu nge swi endli sweswo. U nga ka u nga swi endli. Ntsena a wu nge swiendli. U na ripfumelo ra vutlharhi u tlhela u ku, "Makwerhu Branham, ndza yi pfumela Bibele." Vutomi bya wena byi vula leswaku a wu yi pfumeli. Amen. Mimoya leyi yengaka yi ntlhotlhanaka na Rito ra Xikwembu.

⁸⁵ A tiva laha a yimile kona, Mikiya u swi endlile. A ri na Rito ra Xikwembu. A ri munhu loyi a nga dumangiki ngopfu. Ku ha va loyi a n'wi tsakela hikuva a vula Ntiyiso, hambileswi a va tsakela swichumayeri leswi.

⁸⁶ Sweswi, nchumu wun'wana lowu wu nga teka ndzhawu. Ndza pfumela ni ku ehleketa leswaku wanuna un'wana na un'wana loyi a nga na ntokoto na Xikwembu, kumbe wansati, u boheka ku va na mintlhavékonyana. Ntsena ndzo swi pfumela. Sweswo swi lulamile. Kambe ma swi tiva leswaku i yini? Va tekelerile mintlhavéko eka nkhuvalo wa Moya lowo Kwetsima. Ntsena va kuma huwa yo tala, nakona a ku na nchumu eka yona. U hanya ntsena hi ku kwetsima kukotisa loko u hanya hi huwa, kutani u ta va u lulamile. Mintlhavéko hakunene yi kahle; "vutiori bya miri byi vuyerisa swintsongo." Kambe mimoya leyi yengaka yi nghenile eka ntawa wa vanhu lavo kwetsima, nakona va yisile kwalahaya ntsena ku va va wisela ehenhla "hikuva va nga ha kota ku huwelela" kumbe "hikuva va nga ha cina, hikuva va nga ha endla vutitwi."

⁸⁷ Nakulorhi luya wa mudyuuharhi a nga lahaya, ndhunankulu ya vaprofeta hinkwavo, vachumayeri, a ri na ntiyiso wa leswaku a lulamile, laha a nga tiendlela yena n'winyi pherhe ya timhondzo a cina-cina hinkwako, kutani a endla hansa-hansa leyikulu. A ya eku sukumeteleni ka vuthu lerin'wana ra Vasiriya ri huma etikweni. Kambe a byi ri vunwa! Rito ra Xikwembu ri vule swo hambana. Amen. Wa vona, u nga ha va la lulameke hi mintlhaveko, loko u ri na muxaka wa kahle wa ku pfuxa mintlhaveko endzhaku ka swona, mintlhaveko ya muxaka wa kahle lowu wu fambilisaka ku titwa ka wena.

⁸⁸ Davhida u cinile emahlweni ka Hosi, kutani nsati wa yena a n'wi hleka. Kutani Xikwembu xi languta ehansi ku suka eTilweni, xi ku, "Davhida, u wanuna loyi a nga endzhaku ka mbilu leyi yi nga ya Mina N'winyi." Kambe nsunsumeto wa yena a wu lulamile. Vutomi bya yena a byi lulamile, endzhaku ka wona.

⁸⁹ Swingaleswi, ntsena hikuva hi nga ha va na mintlhaveko, a swi vuli leswaku hi ponisiwile. Hikuva hi ya ekerekeni, a swi vuli leswaku hi ponisiwile. Mi nga yi pfumeli mimoya leyi yengaka. Moya wa xiviri wa Xikwembu, Rito ra xixivi ra Xikwembu, i Ntiyiso wa Xikwembu; lowu wu nga Mbewu ya Xikwembu, wu ta humelerisa Xikwembu evuton'wini bya wena; u va na vukwembu, vukwetsimi, ku kwetsima.

⁹⁰ Exikarhi ka vanhu vo tala hi kuma laha mintlhaveko, na swin'wana na swin'wana, kwalahaya swi hundzuka ku hlevana na ku lumana minhlana, na muxaka hinkwawo wa swilo leswi nga ri ki swa vukhongeri. Makwerhu, yaleyi i asidi ya salifuriki ekerekeni. I matimba ya dimona. Moya wa vavanuna na vavasati lava va nghenelelaka exikarhi ka van'wana, na ku ringeta ku sukumeta ekule, va ku, "*Leswi a swi lulamanga, na leswi a swi lulamanga, nakona sweswo a swi lulamanga.*" Loko u nga swi hlongorisa, minkarhi ya nkaye eka khume i munhu yaluya a hlohetelaka, sweswo a swi lulamanga. Amen. Xikwembu xi venga timholovo exikarhi ka vamakwavo. Vanani na xichavo, kwetsimani, rhandzani Xikwembu, tiseketeleni hi Xona. Nakona ntsena loko mi swi tiva leswaku vutomi bya n'wina byi ri karhi byi va xiave xa Bibe, hi ku tenga ka mbilu, ku tenga ka mianakanyo, rirhandzu eka makwenu wa n'wina, mi ringeta hi matimba ku akisa Mfumo wa Xikwembu, na ku endla swilo sweswo, ku ambala kahle, ku hanya kahle, ku vulavula kahle, ku ya etindzhawini ta kahle, kutani u nga ha va na mintlhaveko hinkwayo leyi u yi lavaka, nakona un'wana na un'wana u ta yi pfumela.

⁹¹ Yesu u te, "Mi munyu wa misava. Loko munyu wu phyama, a wa ha pfuni nchumu, wa cukumetiwa na ku kandziyiwa ehansi ka minkondzo ya vanhu." Loko ntsena u ri munyu wu ri woxe, a swi kahle. Kambe loko u ri na ku lunga eka wona, u ta lunga

nakona misava yi ta va na torha. Loko u lunga, va ta va na torha. Oho, mina!

⁹² Mimoya leyi yengaka yi ya emahlweni, madimona ehansi ka vutumbelolo. Langutani, hi le ka siku ro hetelela. Hi le ka nkarhi wa makumu. Misava ntsena yi ti lulamiserile ku ta enhlokweni ya yona, kukotisa xifambi lexi n'wayisaka kun'wana laha xi yaka eku bulukeni eka rin'wana ra masiku lawa nakona ndzhombho wu tlula wu huma eka xona. Xi va lexi xi thyakeke. Ku ha va murhi lowu wu nga xi tshungulaka. Va arile e—e seramu. Va arile vutshunguri. U teka xifambi lexi nga eku humeni lahaya, kutani loko u nga teki phenisilini kumbe xin'wana xo xi susa, kumbe nchumu wun'wana, xi ta tshamela ro kukumuka ku fikela laha xi balekaka.

⁹³ Sweswo hileswi misava yi nga swi endla. Yi sungurile, ku nga ri khale ngopfu, ku yisa ehansi. Va sukile hi miehleketo ya kahle leyikulu, mimoya ya vunwa yi nghena kutani yi sungula ku byela vanhu *leswi*, *sweswo*, kumbe *leswin'wana*. Hi phatlukile ku ya eka nkaye wa madzana na tidinominexini tin'wana to hambana, yin'wana na yin'wana yi ri na mavonelo yo hambana. Va ri, "Hi pfumela *leswi*, swi herile! Sweswo hi leswi hi pfumelaka swona ntsena." Va nga ka va nga vi na vun'winyi bya ndlela. Xikwembu xi na ntlawwa wa vanhu lava va nga kotaka ku huweleta, kutani un'wana na un'wana a ta fanelia ku huweleta. Va na van'wana lava va nga vulavulaka hi tindzimi, kutani un'wana na un'wana a ta fanelia ku vulavula hi tindzimi. Va na hinkwaswo swo kotisa leswi, ku fikela laha swi vaka (yini?) hi ku hetiseka swi nyamisiwa hi mimoya leyi yengaka, yi yengaka vanhu ku va va endla mintlhaveko leyi loko ku nga ri na Xikwembu eka swona hinkwaswo. Kutani va huma va ya hanya muxaka wihi kumbe wihi wa vutomi lebyi va tsakelaka ku byi hanya, kutani va byi vitana "Vukreste."

⁹⁴ Nakona misava ya tshama yi swi languta, yi ku, "Kunene, languta lahaya! Ndzi kahle tanahi laha va nga ha kona."

⁹⁵ Tanihi laha ndzi vuleke vusiku byin'wana hi honci, hi mudyohi. U nga ka u nga soli... Mudyohi i mudyohi. U nga ringeti ku n'wi pfuxeta. U nga ringeti ku n'wi byela *leswi*, *sweswo*, kumbe *leswin'wana*. Hi yena mudyohi, ku sungula hi swona. Hi yena nguluve, ku sungula hi swona. A nga tivi ku hambana. Loko a ya etibayisikopeni, nakona a ya hi Sonto, nakona a ya emintlangwini ya tibolo, nakona a endla swilo leswi hinkwaswo, hi yena mudyohi, ku sungula hi swona. Ntumbuluko wa yena wu kotisa wa honci. Honci ya khale yi hoxa nhompfu ya yona etalenyi dya tindoho hinkwato eka rona, na hinkwaswo; kunene, leswaku, hi yona honci. U nga ka u nga yi soli. Hi yona honci. Sweswo swa fana na vadyohi. Kambe loko u famba u ya tivitana Mukreste, nakona u hoxa nhompfu ya wena endzeni na yena, swingaleswi a wu antswi eka leswi a nga xiswona, kambe,

wa nyanya. Huma exikarhi ka rona. Tshiketa misava yi famba. Tshiketa yi famba. Pfumelela Xikwembu. Tshiketa yi famba.

⁹⁶ U tshiketa njhani yi famba? Vanhu vo tala swinene va le ku tivutiseni namuntlha, va ku, "Kunene, Makwerhu Branham, u yi tshiketa njhani yi famba?" Ndza swi tiva leswaku u twile swo tala swa dyondzo ya vukhongeri eka yona, "tshiketa yi famba." Vanhu vo tala ntsena va tirha va juluka, ku ringeta ku tshiketa yi famba. Vanhu vo tala va ta kutani va ku, "A ndzi ya eka makumemune ya masiku yo titsona leswaku ndzi ta kota ku endla swin'wana." A wu kali u lava ku titsona ka makumemune wa masiku. U lava ku tshiketa misava yi famba na hinkwaswo swili leswi swa vujavulosi, kutani u teka Rito ra Xikwembu embilwini ya wena. U ta fanelia ku dyondzisiwa leswaku swi endlisiwa ku yini sweswo. A wu swi endlili hi ku tlulela ehenhla na le hansi, naswona a swi endlili eka makumemune ya masiku yo titsona. U swi endlili hi mbilu ku tinyikela eka Xikwembu xa Matimba hinkawo.

⁹⁷ Kukotisa xihlangi lexintsongo. Ndzi xiyisisile xihlangi xa mina lexintsongo endzhaku lahaya, manana wa xona a ri karhi a ringeta ku xi ambexa xibajani xa xona, mixo lowu. A xi lava ku nghenisa xivokwani xa xona xa khale evokweni ra xibajani. A xi nga swi koti ku nghenisa voko ra xona lahaya; a xi nga swi tivi leswaku swi endliliwa njhani. U fanele ku letela xivokwani xa xona lexintsongo. Xa swi lava ku nghenisa xivokwani xa xona kwalahaya, kambe ntsena xo hupa-hupa kwalahaya. A xi nghenisanga evokweni ra baj. Xa swi tiva leswaku a xi le vokweni ra baj.

⁹⁸ Swingaleswi na wena wa swi tiva leswaku a wu lulamanga na Xikwembu, loko wa ha luma nhlana, u hemba, u endlili hinkwaswo. A wu nge lulami na Xikwembu, a ndzi na mhaka ni leswaku u nghena tikereke tingani, ku fikela laha moy-a-xiviri wa wena wu hundzukaka. Makwerhu, sweswo i fexeni ya xikhale, kambe sweswo swi ta vila swi phya na ku vekela sopo eka moy-a-xiviri wa wena. Swi lulamile!

⁹⁹ Ringeta ku nghenisa voko ra xona, xi ta fanelia ku va na un'wana loyi a nga ta xi kongomisa ku nghenisa, leswaku voko ra xona ri nghenisawa njhani. Kutani loko xi nghenisile voko ra xona eka xibajani xa xona, xa swi tiva leswaku xi lulamile.

¹⁰⁰ Yaleyi i ndlela leyi swi nga xiswona hi Mukreste un'wana na un'wana loyi a nga tswariwa ra vumbirhi. Loko hakunene a nghena eka Xikwembu, u hlalela vutomi bya yena hi Rito ra Xikwembu nakona wa swi lemuka leswaku u forile na xiave xin'wana na xin'wana xa Rona. U na ku lehisia mbilu, ku olova, ku miyela, ku titsongahata, matimba, ripfumelo, rirhandzu, ntsako, ku rhula. A nga hakaseleki kukotisa lwandle leri nga karhateka. A nga vilerisiwi hi nchumu wun'wana na wun'wana lowuntsongo. A nga tluleli *lahawani* na *lahaya*, kukotisa xipfalo

xa bodlela elwandle ra moya. U tshamisekile. Mbilu ya yena yi tengile. Mianakanyo ya yena yi tengile. Minkunguhato ya yena yi tengile. Ku ncincancincana ka yena ku lulamile. Nakona wa swi tiva leswaku u forile na rito ra Xikwembu. Tihele hinkwato ti nga ka ti nga n'wi tsekatsekisi. U forile na Rito ra Xikwembu. U na rirhandzu ra Vukwembu, ku tenga embilwini ya yena, eka wanuna un'wana na un'wana na wansati un'wana na un'wana. U na . . . U fambele ekule ku suka eka swilo swa misava, swi file eka yena; a nga ha swi lavi nakambe. Hikokwalaho ka yini, a wu nge swi koti ku endla nhwanyana wa Moya lowo Kwetsima a ambala pherhe ya swona swiambalo leswi langutekaka swi nga ri swa vukwembu nakona a huma lahaya a nga humeli nchumu. Ee, nkulukumba.

¹⁰¹ Sweswi, ku hava xivangelo xo ya n'wi byela leswaku wa hoxisa, hikuva a nga ka a nga ku pfumeli, hikuva sweswo hinkwaswo hi swona a swi tivaka. Walowo i ntsako wa yena. Wansati u ambala swilo swilo leswi leswintsongo; va huma, ni madyambu, ntsena loko vavanuna va vuya ekaya; va ta ntsena ku ta kutla rivala, swingaleswi tanahi. . . Ni ku ndzi byela leswaku sweswo swi lulamile? Wansati, a ndzi vuli leswaku u—u mubihi. A ndzi vuli swona leswaku u dlakuta. Kambe a wu swi lemuki, sesi, leswaku moya lowu nga basangiki wu ku khomile. Xana a wu ta swi endlela yini? U na xitwi ku ringana ku tiva leswaku a ku titimeli. Ka hisa. Ku na moya lowu nga basangiki.

¹⁰² Mi ri, “Mina? Mina, ndzi yile ekerekeni!” Nebukhadinetsa a ri munhu wa kahle. Kambe, hikuva a vile na ku tikukumuxa, Xikwembu xi n'wi nyikile moya wa havi, kutani xi n'wi tshika a dya byanyi ku ringana nkombo wa malembe, nakona minwala ya tintiho ta yena yi kula kukotisa hilaha van'wana va vavasati lava lahwani va swi endlaka. Sweswo swi lulamile. Kutani a va loyi a nga khomiwa hi madimona.

¹⁰³ Wanuna u khomiwile hi madimona kutani a hluvula swiambalo swa yena. A va nga ta n'wi ambexa swiambalo. Xana ma swi vona leswi ndzi swi vulaka xana? I mimoya leyi yengaka.

¹⁰⁴ Kereke ya n'wina ya swi tiyisela. Muchumayeri wa n'wina wa chava ku vula swin'wana na swin'wana, wa chava leswaku a mi nge he humesi vukhume nakambe. Hi xona xivangelo xexo. Hi rona khombo ra kona rero. Mina, vunene bya kona! Xana u nga wu chumayeleta njhani ntlawa wa tin'hwati, ehandle ka loko u nga va hundzula va tlhela va lulama na Xikwembu, ku sungula hi swona? Va ta dzima tinhompfu ta vona eka swilo leswi swi nga fa nkarhi hinkwawo. Leswi u swi lavaka i ku cukumeta, mpfuxelelo wa fexeni ya khale lowu kukulaka ku sukela eribuweni ra lwandle ku ya eribuweni ra lwandle, na ku va wu endla vavanuna na vavasati leswaku va lulama na Xikwembu. Tshiketani, swilo swa misava! Tshiketani, nchumayelo lowuntsongo wa xikandziyo xo olova. Amen. Chumayelani Evhangeli. Xikwembu

xi vule tano. “Loko mi rhandza misava, kumbe swilo swa misava, rirhandzu ra Xikwembu a ri kona eka n’wina.”

¹⁰⁵ Vanhu va nga ha tlulela ehenhla na le hansi, va tlhela va huwelela vusiku hinkwabyo, na ku vulavula hi tindzimi kukotisa ku chela tinyawa ehenhla ka dzovo ra homu leri nga oma; u famba u ya ehandle, hi mixo lowu wu landzelaka, u ri na xifafa lexi ringaneleku lwa na saha leyi yi baka hungwe, u ya kona u ya vula swin’wana ekerekeni leswi swi nga ta endla kereke hinkwayo yi hambana. A swi nchumu emisaveni handle ka ku yenga, mimoya ya madimona! Yi lava ku vuyela endzhaku eRitweni, laha Xikwembu xi nga ku tenga, xa kwetsima. Amen. Sweswo swi lulamile. Mimoya leyi yengaka yi tlhontlhaku Rito ra Xikwembu!

¹⁰⁶ Hi loyi wanuna, ku nga ri khale ngopfu, u kumile wansati lontsongo... Makhatholiki ma na khumembirhi kwalahaya. Hi nkarhi wa ku ka a nga ha voni masiku ya yena, yi humela ehandle hi mavoko ya yena na le mombyeni wa yena. Loko muchumayeri wa kahle wa Moya lowo Kwetsima... Ndzi anakanyile. Wanuna luya a ri na bodlela ra swilo leswiya, leswi swi humaka emavokweni ya yena, a ri karhi a jika-jika a tota vanhu hi swona. Yhuu! Ntsetselelo! Hi swona antikreste! A ndzi na mhaka loko ngati yi ta yi huma hi tinhompfu kumbe ku suka enhlokweni ya yena, kumbe kwihhi, makwerhu, ku ha va ngati leyi yi nga tekaka ndzhawu ya Yesu Kreste N’wana wa Xikwembu. Yaleyo hi yona Ngati yi ri yoxe ndzi tivaku nchumu ha yona. Wansati a nga ha va a vile na mafurha lawa a ma chululeka ya huma evokweni rin’we, na wayeni yi huma eka lerin’wana, kambe, loko u swi tirhisa eka xivumbeko xin’wana na xin’wana xa vukhongeri, i javulosi. Ku vona hilaha vachumayeri va nga welaka eka maendlelo yo kotisa yalawa!

¹⁰⁷ Leswi hi swi lavaka, i ku vuyela endzhaku eka Buku leyi yi Letelaka, ku vuyela endzhaku eka Rito ra Xikwembu! Leri i Rito ra Xikwembu, Bibele ya khale leyi yi nga katekisiwa. Mi ri, “Kunene, ndza chava ku hundzuka sweswo, Makwerhu Branham. Ndza chava leswaku ndzi ta lahlekeriwa hi ntsako wun’wana wa mina.” Mhaka i yini? A wu swi tivi leswaku ntsako i yini.

¹⁰⁸ Ndzi virile leswaku a ndzi soli xidakwa ku va xi huma xi ya dakwa. U na swipfukela hinkwaswo. A nga swi tivi. Wa pfuka, ni mixo, a ri na xivundza, babalaza. U huma a ya tikumela mabondlela mambirhi kumbe manharhu ya byalwa, a tlhela a huma a ya tikumela whisky, na hinkwawo muxaka wa swilo sweswo.

Mupakuteri lontsongo wa sigarete u tshama endzhaku kutani a zaha, na ku humesela musi wa yena ehenhla hi nhompfu ya yena kukotisa loko a ri xitimela xa nhundzu. Hi swona hinkwaswo. A ndzi n’wi soli; walowo i ntsako hinkwawo lowu

a wu tivaka. Sweswo hi swona hinkwaswo leswi a swi tivaka. Hi yena nguluve, hi ntumbuluko.

¹⁰⁹ Wa nyumisa wena u ti vulaka ku va Mukreste kambe u ri karhi u tshembhela eka swilo swa muxaka walowo ku titsakisa, loko Evhangeli ya Moya lowo Kwetsima yi nga ri nchumu ehandle ka yindlu yin'we leyikulu ya matimba ya ntsako. Evhangeli ya Moya lowo Kwetsima i xipyopyi xa kahle eka munhu un'wana na un'wana loyi a nga na gome. U ta nwa Evhangeli ya Yesu Kreste, u tatiwa hi Moya lowo Kwetsima, u pyopyiwa ku fikela laha u siyaka misava leyi, amen, ntsako lowu nga hlamuselekiki na ku tatiwa hi ku kwetsima. Ku na xixalamukiso lexi tshamaka xi ri kona. I xipyopyi lexi tshamaka xi ri kona, u pyopyiwa visiku na nhlekanhi! Amen. Rero i Rito ra Xikwembu.

¹¹⁰ Kereke yi ta hi ku rhendzeleka, yi tekelela nchumu wun'wana. Va fanele ku va na xivandlani laha hinkwavo va nga ta ya ebichini, ku ya va na ku tumbuluxiwa hi vuntshwa. Ku va na makhadi ya nhlangano wa ku hlangana kun'we, wa xinakulobye. Sweswo swi lulamile. Va cina, nkarhi wun'wana, eka yin'wana ya yindlu ya xirho, nkarhi wun'wana eka kamara ya le hansi ya kereke. Ku cina, ku tekelela, ku ringeta ku kuma swin'wana swo tienetisa. Mhaka i yini? Hi vona ntawa lowukulu wa tinguluve, hi ndlela yin'wana. Hi vona tinguluve, ku sungula swona. Loko va nga kala va tihlanganisa na Kreste, va nga va na ntsako wo tala swinene, swilo leswiya swi nga va swi file ku tlula xikarhi xa vusiku, eka vona. Evhangeli, ku pyopyiwa eMoyeni, ntsako lowu wu nga hlamuselekiki na ku tatiwa hi ku kwetsima.

¹¹¹ U nga soli mudyohi; va na na ntsetselelo eka yena. N'wi tshike a ya emahlweni a zaha phayiphi ya yena, n'wi tshiki a nwa byalwa bya yena, n'wi tshike a va na ntlangu wa makhadi ya yena. Sweswo i ku tiphina ka yena. U nga n'wi soli. Ku vuya ekaya na hinkwaswo, u karhele na ku hlakala, u lava ku tiphina kun'wana. Nchumu wo wu endla eka wena i ku hanya vutomi bya vukwembu leswaku u ta n'wi khorwisa leswaku Evhangeli yi khome khume ra magidi hi ku andzisa ku tlula sweswo, eka yena. [Xivati lexi nga ri ki na nchumu eka thepi—Muhleri.] Kutani loko a fela eka xiyimo xexo, u ta ya etiheleni, eka byalwa bya yena. Xexo i xipyopyi xa javulosi. Loko a fa, a ri karhi a kokakoka phayiphi yaleyo ya khale, Xikwembu hi xona Muavanyisi wa vona. Loko a fa, a huma lahawani, a ri karhi a cina, na ku tsutsumatsutsuma hinkwako a ambarile swiambalo swa vudlakuta, Xikwembu hi xona Muavanyisi wa vona.

¹¹² Kambe ku na nchumu wun'we, loko u nga fela ehansi ka Matimba ya ntoto wa Moya lowo Kwetsima, tanahi laha Stefana a swi endleke loko a ta langutisa ehenhla exikandzeni xa Xikwembu, a ku, "Ndzi vona Matilo ma pfuleka, na Yesu a yimile evokweni ra xinene," u bohiwa hi Tilo, kukotisa mbewulani ebokisini ra yona. Amen.

¹¹³ Mimoya leyi yengaka yi tlhontlhaka Rito ra Xikwembu! Chuchani, tshiketani yi famba. “U swi endlisa ku yini, Makwerhu Branham?” Ntsena wo yi tshika yi ti fambela. Hi swona hinkwaswo u fanelaka ku swi endla. Teka Rito ra Xikwembu. U nga ringeti ku tirha nchumu. U nga khinsami eka altari u yi ba, u huwelela, “Xikwembu, ndzi nyike Moya lowo Kwetsima! Hosi, ndzi nyike Moya lowo Kwetsima!” A wu le ku teni, u le ku beni eka altari yaleyo. Sweswo a swi endli swa kahle. Ee. Yaleylo a hi yona ndlela leyi Wu tisaka xiswona. I ku, N’wi teka eRitweni ra Yena!

¹¹⁴ Langutani Petro. Petro a ri ekhombyeni, a swi languteka tanahi loko a ya eku feni. Nakona u vonile Hosi yi ta, yi ri karhi yi famba ematini. Kutani a ku, “Hosi, loko ku ri leswaku hi Wena, ndzi vitani ndzi ta.”

Hosi yi ku, “Tana.”

¹¹⁵ Sweswi Petro a ku, “Sweswi yimanyana, Hosi, u nge ndzi sungula ndzi ya eka ku titsona ka makumemune wa masiku, ndzi vona loko ndzi ta famba eka mati yalawa, kumbe swi ta tsandza. O Hosi, ndzi pfumeleli ndzi kuma Moya lowu wu eneleke eka mina, leswaku ndzi ta cina ndzi ri eMoyeni na ku vulavula hi tindzimi, eka byatso lebyi, kutani ndzi ta humela ehandle”? Ee, nkulukumba! U tekile Xikwembu eRitweni ra Xona, chuchani nakona mi tshiketa swi tifambela. Xikwembu xi n’wi teke ku ya emahlwene.

¹¹⁶ A ku ta humelela yini loko Xikwembu a xi hlanganile na Muxe, kutani Xi ku, “Muxe, rhelela lahaya eEgipta, u ya byela Faro leswaku, ‘A tshiketi vanhu va Mina va famba’”? A ku ta humelela yini loko Muxe a te, “Ndzi pfumeleli ndzi ya titsona makumemune wa masiku, xo sungula, nakona ndzi vona loko ndzi ri na ripfumelo leri ringaneke ku va ndzi Ku yingisela, Xikwembu. Ndzi nyike swin’wana, swin’wanyana, Hosi. Ndzi pfumeleli ndzi Ku byela swin’wana, ndzi pfumeleli ndzi vona loko ndzi nghena eMoyeni, xo sungula”? Muxe a nga kalanga a vutisa na swivutiso, ntsena u lo teka Xikwembu eRitweni ra Xona, kutani a suka. Yaleylo hi yona ndlela leyi u faneleke ku swi endlisa xiswona, teka Xikwembu eRitweni ra Xona. Kutani wa swi tiva leswaku u ta swi kota ku swi endla. A nga rindzelanga kukondza swin’wana swi teka ndzhawu, ntsena u lo ya emahlwene a ya swi endla.

¹¹⁷ Eliya yena ke, loko a ta xikela ehansi eNtshaveni ya Kamele, a ri ehenhla kwalahaya nkarhi wo leha? Nakona u hlanganile na noni ya xisiwana. Wansati a ri... A ri xita-xifamba, Wamatiko. Kutani loko a ta hlangana na yena lahaya, a ri karhi a rhotela tihunyi, ejaratene. Kutani Xikwembu xi n’wi byerile leswaku, “Famba lahaya eka yindlu ya noni luya.” I ndzhawu ya njhani eka muchumayeri ku ya eka yona!

¹¹⁸ Kutani u ya kwalahaya endlwini ya noni. Kutani loko wansati a swi endlile, a ri na tihunyi timbirhi. A ku, "Xana u endla yini?"

¹¹⁹ A ku, "Ndzi rhotela tihunyi. Ndzo va na mapa ntsena yo ringanelu ku ta endla makhekhe mantsongo. Hi wona hinkwawo lawa ya nga ndzi salela. Ku na malembe manharhu hi mpfhuka ka loko hi vile na mpfula." Kutani a ku, "Kutani ndzi ya endla makhekhe lawa. Kutani mina na jaha ra mina hi ya eku dyeni ka wona, kutani hi fa."

¹²⁰ A ku, "Ndzi endlele rin'we, ku sungula!" Haleluya! Oho, ndza swi tiva leswaku ndzi hlangane nhloko nyana, kambe ndzi le tlhelwenu ra Hosi, hambiswiritano. A ku, "Ndzi endlele rin'we, ku sungula. Hikuva, LESWI SWI VULA HI HOSI." Hi sweswo.

¹²¹ Xana i yini? "Rhanga hi ku lava Mfumo wa Xikwembu, na ku lulama ka Xona." Ku nga ri Mfumo wa Xikwembu na "huwanyana," ku nga ri Mfumo wa Xikwembu na "mintlhaverekonyana," ku nga ri Mfumo wa Xikwembu na "swintsongo *leswi* kumbe *sweswo*." Kambe, "Xikwembu, na ku lulama ka Xona, kutani swilo leswin'wana hinkwaswo swi ta engeteriwa eka wena." Rhanga u veka!

¹²² Sweswi, noni liya yi swi twile sweswo. "Ripfumelo ri ta hi ku yingisela, ku yingisela hi Rito." Wansati u te, "Rero i Rito ra Hosi, hikuva luya i wanuna wo kwetsima wa Xikwembu. Luya i muprefeta wa Xikwembu, nakona ndza swi tiva leswaku i ntiyiso. Nakona rero i Rito ra Xikwembu."

¹²³ Sweswi, wansati a nga tsutsuma-tsutsumanga a ya vutisa vamakhelwani leswaku a nga swi endlisa ku yini. A nga lavi ku ya a ya avelana swa yena...na ku byela vamakhelwani, a ku, "Sweswi, u ehleketa yini xana? Muchumayeri u le ndlwini ya mina, a vula *leswi*. Susie, u ehleketa yini hi *leswi*?"

¹²⁴ U ngchenile endzeni, a sungula ku cukumetelela ehandle. U tshiketile swi famba. U tshiketile leswi a ri na swona swi famba, leswaku a ta kuma swo tala. Sweswo hileswi misava yi swi lavaka namuntha, i ku tshiketa swi famba ka fexini ya kahle ya xikhale eka leswi u nga na swona. Haleluya! U cukumeterile ehandle, leswaku a ta tatisiwa. U cukumetile mafurha hinkwawo lawa a ri na wona, na mafurha hinkwawo lawa a ri na wona na mugayo hinkwawo lowu a ri na wona, eka muchumayeri, eka Mfumo wa Xikwembu. Kuteloko a swi cukumetile hinkwaswo hinkwaswo lahayu, Xikwembu xi xikela ehansi, xi tata mphongolo wa mugayo, xi tata jeke ya mafurha. Wansati u swi cukumetile nakambe, endyelweni ya muchumayeri. Nakona Xi tile, xi tatisa nakambe. Xi cukumetela endzeni. Nkarhi hinkwawo loko a cukumeta, Xona a xi tatisa.

¹²⁵ Ndzi nga ku, namuntha, loko munhu a nga cukumeta hinkwayo miharihari leyi ya ku ya emahlweni, na ku encenyeta Vukreste, na ku pfumelela Moya lowo Kwetsima wu teka

ndzhawu ya Wona, ku ta va na mpfuxelelo lowu wu nga ta sungula eka Eighth na Penn Street lowu wu nga ta kukula tiko hinkwaro. Tshikani miharihari. Tlhelelani eRitweni ra Xikwembu. Cukumetani, leswaku mi ta tatisa. Mi swi tshika swi famba, nakona Xikwembu xi ta swi pfumelela ku ta. Ma swi cukumeta, Xikwembu xi ta tatisa. Swilo hinkwaswo leswintsongo, swa ku, “Mi fanele ku endla *leswi*, nakona mi fanele ku endla *sweswo*; nakona mi ta fanelia ku endla *leswi* nakona mi ta fanelia ku endla *sweswo*.” Swi rivaleni! Swi cukumeteni swi huma eka moyo-xiviri wa n’wina!

¹²⁶ A ku, “Xikwembu, ndzi pfumeleli, ku suka eka ku helela loku...namuntlha, ndzi va wa Wena la heleleke. Hosi, ndzi ta hi mbilu leyi tshovekeke. Ndzi ta hi moyo wo tisola. Ndza Ku rhandza. Wa swi tiva leswaku ndza Ku rhandza. Nakona ndzi lava ku rivala hinkwabyo vuphukuphuku bya hinkwako ku titsona loko ka makumemune wa masiku na ku vona loko ndzi nga tshunelela eka Xikwembu, na hinkwaswo *leswi*, *sweswo*, na *leswin’wana*, miharihari leyi hinkwayo.”

¹²⁷ Swi yimiseni! Ku hava nchumu eRitweni leswi swi mi byelaka ku va na makumemune wa masiku yo titsona. Ku hava nchumu. Ku hava nchumu emisaveni leswi swi mi byelaka ku titsona, handle ka loko Xikwembu xi nga mi byela. Loko mi titsona, a mi nga twi ndlala, na ku famba swilo leswi hinkwaswo. Tanihi loko wa ha titsona, makwerhu, u ta va na ntsako na ku tsaka nkarhi hinkwawo. U te, “Mi nga humeleti emahlweni ka vanhu kukotisa hilaha vakanganyisi va swi endlaka, na xo leha, xikandza xa vusiwana. ‘Ndzi le ka masiku ya makumemune yo titsona. Tindyelo ta mina a ti nge he ndzi ringani. Ndzi hungute makumenharhu ya ntiko wa tipondo, nakona va ndzi byerile leswaku ndzi ta languteka ku antswa loko leswi swi ta va swi herile.’” Oho, miharihari! I mimoya leyi yengaka ya javulosi.

¹²⁸ Tlakukani mi ta eka altari, kutani mi ku “wa kwetsima, wa kwetsima, wa kwetsima” ku fikela laha mi nga ha kotekei ku vula nchumu, mi ri, “U fanele ku vulavula hi tindzimi loko u nga se kuma Moya lowo Kwetsima.” Miharihari! Swi cukumeteni!

¹²⁹ Humesa sweswo eka mafambiselo ya wena kutani u ta eka Rito ra Xikwembu! U te, “Hundzukani, un’wana na un’wana wa n’wina, kutani mi khuvuriwa hi Vito ra Yesu Kreste eku suriweni ka swidyoho swa n’wina, kutani mi ta amukela nyiko ya Moya lowo Kwetsima.” Loko Xikwembu xi nga hlaysia Rito ra Xona, a hi Xona Xikwembu. Amen. Swi cukumeti. Tatiwa. Amen. Yhuu! Ndza swi rhandza sweswo. Rero hi rona Rito ra Xona. Xikwembu xi vule tano. Sweswo swi lulamile. Nakona loko Xikwembu xi swi virile, Xikwembu xi ta swi tlhogomela. Hinkwaswo swi lulamile. Hinkwabyo vululamiselo lebyi u byi endlaka, hinkwako ku ya ekerekeni loko u nga ku endlaka... .

¹³⁰ Ntsena swi kotisa ehansi lahawani laha ku tirhiwaka timovha laha va akaka xithopo xa tinhundzu, kumbe, xithopo lexikulu xa timovha to khandziyisa vanhu. A ndzi tollovele ku tirha kwalahaya. Kutani va teka na ku aka matorokisi lawaya makulukumba na hinkwaswo, kutani va vekela mapulanga yo nonohwa, va andlala mahogany endzeni hinkwako, na hinkwaswo swo saseka ngopfu, va ma vekela kwalahaya eka ndlela ya kona, nakona a ku va ku file tanihu xipikiri xa rivanti. Lahaya a ku tshamile njhini, a yi na nkahelo eka yona. A yi lo titshamela ntsena kwalahaya.

¹³¹ Leswi swi lavekaka namuntlha i ndzilo wo karhi eka xivirisi. Leswi yi swi lavaka namuntlha i nkahelo wun'wana. Leswi yi swi lavaka namuntlha, kereke, leswaku yi vila; nchumu lowu wu nga kona lowu virisaka ku hisa swinene ku va wu virisa xidyo xi huma eka vutomi bya n'wina, i rirhandzu. Nakona loko mi nga swi koti ku rhandzana, xana mi nga xi rhandza njhani Xikwembu Lexi mi nga se tshamaka mi xi vona xana? Rirhandzu ri fihla swidyo xi leswo tala. Ngabenani eka rirhandzu na Xikwembu, kutani mi ta rhandzana, nakona mi ta rhandza kereke, mi ta rhandza Xivangelo, mi ta rhandza swin'wana na swi'wana leswi swi nga swa vukwembu, nakona mi ta fambela ekule na swilo swa misava.

¹³² Mimoya leyi yengaka yi le ku jikajikeni yi ri karhi yi byela vanhu *leswi*, *sweswo*, kumbe *leswin'wana*, “Va fanele ku endla *leswi*. Va fanele ku endla *sweswo*.” Swi hikokwalaho ka ku va tidinominexini ti pfukile, nakona va na nhlavutelonyana lowu va nge, “Kunene, sweswi, ndzi pfumela leswaku wanuna . . . Ndzi pfumela eka nchumu wo tanihu ku huwelela eBibeleni.” Sweswo swi lulamile. I ntiyiso walowo. Va endlile dinominexini hi swona, “Loko u huwelela, u na Wona.” Kambe a wu na wona.

¹³³ Loyi a landzelaka a tlakuka a yima, a ku, “Ku vulavula hi tindzimi.” Sweswo swi lulamile. Sweswo swi le Bibeleni. “Kunene, loko u vulavula hi tindzimi, u na Wona.” Kambe vunyingi bya vona va vulavule hi tindzimi nakona a va nga ri na Wona. Wa vona? Walowo a hi Wona. Ee, nkulukumba.

Vunyingi bya vona va te, “Kunene, hi ta fanelia ku profeta.”

¹³⁴ Langutani eka vaprefeta lava va nga lahawani na timhondzo etinhlokweni ta vona, va ri karhi vatlulela ehenhla na le hansi va tlhela vaprefeta. Mikiya u te, “Mi, un'wana na un'wana, ma hemba.” Amen. Swi lulamile. Xikwembu a xi tisi swona sweswo. Xikwembu xi ta eka mbilu leyi yi tshembhekeke leyi yi takana lowu wu tisolaka, moyu lowu wu tshovekeke. “Loyi a yaka emahlweni, a byala hi mihloti, u ta tlhela ehandle ko kanakana a tsakile nakambe, a ri karhi a vuya na tinyandza to hlawuleka.” Amen. Lulamisa sweswo, munghana.

¹³⁵ Dyondzo ya madimona swonghasi, madimona ya tirha eka mimoya-xiviri ya vanhu! Hlalelani laha yi tswalaka muhandzu

wa yona. Hlalelani leswaku i vutomi bya muxaka muni lebyi munhu a byi hanyaka. Vonani hi ndlela leyi va endlisaka xiswona, hlalelani hi ndlela leyi va yi endlaka, mi vona leswi nsusumeto wa vona wu nga swona. Ntsena hi leswi swi nga kotekek... Nakona loko a ndzi lo mi byela leswaku, "Ndlela yin'we ntsena... Hi leti timovha ti nga tshama lahawani, hinkwato ti forile lahawani. Tilo ri le Charlestown. A wu nge swi koti ku famba. Ndlela yin'we ntsena leyi u nga fambaka, i movha. Nakona munhu un'wana na un'wana loyi a tsemekanya ntila u boheka ku tisa tigaloni ta ntlhanu ta mafurha." Hi lowu movha wa yena, kambe loko a nga ri na mafurha a nga ka a nga wu fumbisi. Kunene, sweswo hi swona hakunene, hi ku hetiseka i ndlela leyi swi nga xiswona eTilweni. Loko u fa u nga ri na Xikwembu, a ndzi na mhaka ni leswaku u hanyile njhani na leswaku u akile timovha tingani, loko rirhandzu ra Xikwembu ri nga ri kona lahaya ku ta ku kokela eMfun'weni wa Xikwembu, u lahlekile.

¹³⁶ Ku na neketivhi na phosetivhi. A swi na mhaka leswaku ndzilo lowu wu fumbisa phosetivhi ku fika kwihi lahawani, loko wu nga ri na ntambhu ya le hansi, wu nga ka wu nga lumeki. Sweswo hi swona. U ta fanela ku zimiwa ehansi, u celeriwa eka rirhandzu ra Xikwembu. Oho, makwerhu! Tisa neketivhi na phosetivhi yaleyo kun'we, u ta va na Rivoni, Rivoni ra kahle ra Evhangeli ya fexeni ya xikhale. Ri pfumelei Ri hangalaka ku suka eribuweni ku ya eribuweni. A wu nge vi na Rona loko u nga ri na swona. Swi nga khathaleki leswaku i ku ninginisa kungani na ku ku tlula kungani loku u nga ku endlaka hi phosetivhi, u ta fanela ku va na ntambhu ya le hansi ku ta layita rivoni. Amen.

¹³⁷ Mi kale mi swi xiyisia? U vekela ntambhu ya le hansi lahawani eka leswi, nakona swin'wana na swin'wana swintsongo swi ya endzhaku lahawani ku ya eka xitichinyana xa gezi, ku rhelela ku ya ehansi. Nakona nkarhi hinkwawo loko munhu a zimiwile ehansi na ku celeriwa eka Rito ra Xikwembu, swa n'wi zima swi thela swi n'wi celela eKhalivhari, halahaya, laha nkuleko, mhandzi leyi bohaka ya Xikwembu yi nga tisiwa lahaya, ku ta tsayiterisa Rivoni ra Evhangeli. Amen.

¹³⁸ Ma swi tiva leswaku hikokwalaho ka yini? Vanhu eka timoxara ta ximfumo letikulukumba to titimela ti nga lahawani, lava va tiendlaka tanahi loko va chumayela Evhangeli. Muchumayeri lontsongo u tile eka mina tolo, u nghena yin'wana ya tidinominexini letikulukumba leti ti nga kona etikwени namunthla, ehandle ka Khatholiki. U te, "Makwerhu Branham, ndzi karhele na ku hlambisiwa timbilu." A ku, "Va ya eku endleni ka hina vachumayeri hinkwerhu leswaku hi ambala tiphuraphura na ku hundzuluxela tikholoro ta hina endzhaku, na-na ku chumayela swilo swo karhi. Nakona va ta hi byela leswi hi fanelaka ku chumayela hi swona, kotara yin'wana na yin'wana." A ku, "Ndzi nga ka ndzi nga ha swi yimeli nakambe."

A ku, “Xana ndzi fanele ku endla yini? Xana ndzi fanele ku sungula ku chumayela Evhangeli xana?”

¹³⁹ Ndzi ku, “Makwerhu, ntsena loko wa ha ri na dinominexini yaleyo, yi hloniphi. U vula ntsena leswi vona va faneleku swi vula. Kambe yana eka mufundhisi kumbe supirithendete wa n’wina wa mfumo, kutani u ku, ‘Nkulukumba, ndzi tswariwe nakambe hi Moya wa Xikwembu. Hi leri Rito ra Xikwembu. Loko u nga ndzi pfumelela ndzi chumayela Rero, ndzi ta tshama ekerekeni ya wena. Loko u nga ndzi pfumeleli, ndzi fambile. Swi hundziseli eka munhu un’wanyana.’” Yaleylo hi yona ndlela yo swi endla. U nga bi ku rhendzeleka na xihlahla. U nga vi neketivhi. Humela ehandle u vula leswi swi nga swona. Swi lulamile.

¹⁴⁰ A ku, “Makwerhu Branham, u ehleketa leswaku ndzi nga va na nhleneletano xana?”

¹⁴¹ Ndzi ku, “Laha Ntsumbu wu nga kona, Magama ya ta hlengaletana kona.” Sweswo swi lulamile, ya ta landzela.

¹⁴² Kukotisa wanuna, kan’we, loyi a nga tlhotlhorisatihuku. Sweswi, a hi fenya. A ndzi vuli leswaku swi va fenya. Ndzi swi vulela leswaku swi va mhaka. A ya eku vekeleleni ka huku ya yena, nakona a nga ri na mandza lawa ya eneleke. U vekerile tandza ra sekwa ehansi ka yin’wana. Kutani loko hinkwawo ya tlhotlhorphile, sekwa a ri ri nchumu wun’wana wo hlekisa ngopfu lowu tihuku ti nga tshama ti wu vona. Swingaleswi mbhaha a wu ta nkenkela eka tihuku nakona swikukwani a swi ta ta, kambe sekwa a ri nga ri tivi ririmilero. Kambe, siku rin’wana, mbhaha wa khale wu ti rhangerile ku ya endzhaku ka dulu. A ku ri na xinkobyana endzhaku ka dulu. Loko xisekwana xexo xi nuhwetela mati lawaya, xi tsutsumerile ematin hi matimba hilaha a xi kota ku famba hakona. Mbhaha wa khale wu ku, “ko, ko, ko.” Kutani xisekwani xi ku, “hok, hok, hok.” A xi kongome mati. Hikokwalaho ka yini? A xi ri sekwa, hi ntumbuluko. Loko xi nuhwetele mati, makwerhu, a xi nga ta fambela ekule na wona, hikuva a xi ri sekwa.

¹⁴³ Nakona ndzi ri namutlha, vanhu van’wana na van’wana lava hakunene va lavaka ku kuma Xikwembu, a va nge pfumeleli kereke yi va lerisa swilu leswi va nga ta ka va nga swi hanyi, sweswo kumbe *leswin’wana*. Loko mi ri na ntumbuluko wa Xikwembu endzeni ka n’wina, mi ta ya evukwetsimelweni. Mi ta ya eka nchumu wo lulama. Mi ta yimela nchumu wo lulama. Mi ta endla nchumu wo lulama. Mi ta ehleketa nchumu wo lulama. Mi ta hanya nchumu wo lulama. Loko u ri sekwa, u tsakela mati. Loko u ri Mukreste, u tsakela Kreste. Loko u ri javulosi, u tsakela swilo swa javulosi. Loko u ri n’hwati, u dya swilo leswi nga fa. Loko u ri nguluve, u ta dya quva. Xana u le kwihinamunthla? Swi lulamile. U koxa ku va lahwani ehenhla, u dya swilo swa Hosi, kutani u rhelela u ya zima timintsu na javulosi. Ku na

swin'wana swo hoxeka hi swona. Tshika ku yingisela mimoya liya; hi yona madimona. A swi na mhaka loko u fanele u yima u ri wexe. Vavanuna na vavasati lava va nga tshama va hetelela va ri swin'wana, ekusuhi, va vile vavanuna na vavasati lava va nga yima va ri voxé na Xikwembu.

¹⁴⁴ Langutani Mikiya, hilaha a nga yimisa xiswona lahaya; ku nga ri kukotisa ribye ra Gibraltar, kambe Ribye ra Tinguva. U te, "A ndzi nga vulavuli nchumu... A ndzi na mhaka ni leswaku xikolo xa vufundhisi xi ri yini. A ndzi na mhaka ni leswaku nhlengeletano ya mina yi ri yini. A ndzi na mhaka ni leswaku hosi yi ri yini. Loko va tsema nhloko ya mina yi suka, ndzi ta vula ntsena leswi Xikwembu xi swi vekaka enon'weni wa mina leswaku wu swi vula." A tiyisile. A tiyisile.

¹⁴⁵ Nakona namuntlha, vavanuna na vavasati, mi nga yingiseli leswi misava yi nga mi khomela swona, xirhambo lexi yi nga mi khomela xona, leswaku i muxaka wihi wa ntihavelo wa xitsongwatsongwani lowu va nga na wona, na ku koxa, "Loko u nga tihlanganisa na kereke, u ta va kahle." Walowo i ntihavelo wa vunwa. Hikokwalaho ka yini? U tama wa ha ri na vuvabyi bya vudyoho. Sweswo swi lulamile. Kambe ndzi ku byela nchumu wun'we, makwerhu, lowu wu nga ta ku tlhavela ku suka eka vudyoho, lowu ku nga, ku ta eka Ngati yo hlawuleka ya Hosi Yesu Kreste na ku tatiwa hi Moya lowo Kwetsima, nakona sweswo swi ta ku tlhavela ku suka eka vudyoho hinkwabyo, nakona ku navela ka wena ku va ku ri loku ku nga bohiwa hi Tilo, nakona a wu nge he vi na nkarhi wa swilo swa misava.

A hi khongeleni.

¹⁴⁶ Tata wa hina wa le Matilweni, loko hi vona mimoya leyiwani yi yengaka ehenhla ka vanhu, nakona hi ri karhi hi swi tiva leswaku yi le ku vengeni ka swilo swa Xikwembu, ndza khongela, Xikwembu, leswaku u ta khoma wanuna un'wana na wansati un'wana na un'wana loyi a nga lahwani namuntlha. Leri a ri ve siku, Hosi, leri va nga ta lemuka leswaku vutomi bya vona a byi fambelani na Rito. Nakona a va ri eku yingiseleni ka nchumu wo hoxeka, leswaku javulosi a ri karhi a va rhulisa hi timagazini ta khale ta Xitorhi xa Ntiyiso, miharihari ya khale yo bola ya misava, na tibayisikopo ta khale na thelevhixini leyi nga basangiki. O Xikwembu, swilo swo tano leswi nga kotekiki eka Mukreste ku va a swi languta! Xikwembu, swi hi hlambisa timbilu. U te swi Ku hlambisa timbilu, kukotisa mahlanta. U te, "Mbyana yi ya emanhlateni ya yona, nakona—nakona honci yi ya eka ku yumbuluka ka yona." Mbyana ya khale yi nga ta hlata swin'wana. Mi vona loyi a nga tswariwa hafu, loyi a fanele ku va tano, munhu wo tiendlisa a ta ealtarini, kukotisa loko u ya eku hlantenai ka misava; u tama wa ha hlaysia ku yisa emahlweni, va vuyela endzhaku va ta tlhela va dya nchumu waluwa nakambe. O Xikwembu, basisa Yindlu ya Wena, Hosi. Haleluya! Rhumela Moya lowo Kwetsima na ku pfumela ko tiya

ka minkarhi ya khale loku ku nga ta basisa ku navela ka wanuna na ku basisa moyo-xiviri wa yena, na ku n'wi basisa na ku n'wi endla a va xivumbiwa lexi nga bohiwa hi Tilo. N'wi nyike... Pfuxeta vuntshwa bya yena na ku hlambanya ka yena kukotisa gama, leswaku a nga ha khandziya ehenhla kutani a hundza swilo swa misava leyi, kutani a tlhandlukela eMatilweni laha a nga ta kota ku vona makhombo ya ha ta ya ri empfhukeni. Hi nyike swona, Hosi.

¹⁴⁷ U fananisile vaprofeta va Wena na wona, na magama, lava a va ri na tihlo ra gama, a va kota ku ya ehenhla-henhla kutani va vona swilo nkarhi wo leha swi nga se fika. O Xikwembu, katekisa xikerekani lexi. Katekisa vanhu lava va taka lahawani. Katekisa valuveri eminyangweni namuntlha. Nakona u va pfumelela va swi tiva leswaku Hungu leri a ri nga kongomisiwanga eka munhu wo karhi, kambe ri kongomisiwile ngopfu-ngopfu, Hosi, eka lava va nga na xilaveko hi vuuenti; hi ri karhi hi swi tiva leswaku siku rin'wana hi fanele ku yima swin'we eka ku avanyisa ka Xikwembu, na ku va hi swi tiva leswaku hi ta byarha vutihlamuleri hi ku tiva Ntiyiso nakona hi nga Wu vuli. Tatana, ndza khongela leswaku Wu ta tekeriwa ehenhla ka mbilu yin'wana na yin'wana. Hi Vito ra Yesu.

¹⁴⁸ Na tinhloko ta hina leti ti korhameke ntsena xinkadyana, ndza tivutisa loko ku ri na un'wana lahawani mixo lowu a nga ta ku, "Makwerhu Branham, ndzi hlamba timbilu na ku karhala hi swilo leswintsongo swa khale. Ndzi na swilo swintsongo leswi swi nga nembelela eka mina nkarhi wo leha swinene. Ndzi—ndzi tshamela ku vulavula ehandle ka nkarhi wa swona. Ndzi—ndzi tshamela ku endla swilo leswi a ndzi nga fanelanga ku swi endla, nakona ndza swi tiva. A swi lulamanga eka Mukreste. A ndzi swi lavi ku endla sweswo; Xikwembu xa swi tiva leswaku a ndzi swi lavi. Nakona a ndzi swi lavi ku yingisela moyo luwa wa khale nakambe. I nchumu lowu wu nga ndzi khomeleta ehansi vutomi bya mina hinkwabyo, ku suka eka ku va na rirhandzu ra xiviri na ntshuxeko eka Kreste. Ndzi lava leswaku u ndzi khongelela, Makwerhu Branham, leswaku swi ta—swi ta ndzi tshika namuntlha." Xana u nga yimisa voko ra wena xana? Nhloko yin'wana na yin'wana yi korhamile. Xikwembu xi ku katekisa. Oho, mina, mavoko yo tala! Swilo leswintsongo swa khale, swilo leswintsongo leswi swi ku endlaka u vulavula kumbe ku sungula pongo leyintsongo ekerekeni, swi ku endla u teka tlheloo hi swin'wana swo kotisa sweswo. Oho, sweswo a hi vukwembu. Sweswo i timholovo exikarhi ka vamakwerhu. Nakona mi nga swi endli sweswo. A mi lavi swona sweswo. A mi lavi swona sweswo na swilo leswintsongo swa khale, swifafanyana swa khale na leswin'wana hinkwaswo, ku ku khomeleta ehansi.

¹⁴⁹ U nge, "Xikwembu, nchumu walowo a ndza ha wu lavi nakambe. Ndzi karhele na ku hlambisiwa timbilu hi wona.

Ndzi tilulamisile namunlhha ku wu halata. Ndzi le ku teni sweswi, Hosi, nakona ndzi lava ku fambela ekule eka hinkwako ku tsonana ka mina. Loko makwerhu wa mina a nga ndzi khomi kahle, ndzi ta n'wi khongelela hambiswiritano. Loko papa wa mina a nga ndzi khomi kahle, ndzi ta n'wi rhandza hambiswiritano. Loko nsati wa mina a nga ndzi khomi kahle, kumbe nuna wa mina, ndzi ta ya emahlweni, ndzi titsongahata, emahlweni ka Xikwembu. Hosi, ndzi langutisa ntsena eka Mfumo wa Wena. Ndzi lava leswaku miehleketo ya mina yi lulama. Ndzi lava mbilu ya mina yi tatiwa hi ntsako. Ndzi lava ku ya emahlweni, loko khombo ri ba hungwe ku rhendzeleka na mina, ndzi tama ndza ha lava ku yimisela mavoko ya mina ehenhla na mbilu ya mina yi tengile emahlweni ka Wena, Hosi, hi ku tiva leswi, leswaku eka rin'wana ra masiku ndzi ta hlangana na Wena. Ndzi lava ntokoto wa muxaka walowo. Hosi, ndzi endli sweswo, ku sukela siku leri."

¹⁵⁰ Xana u nga yimisa voko ra wena, un'wana loyi a nga yimisanga voko ra yena eka xinkadyana lexi nga hundza. Xikwembu xi ku katekisa. Xikwembu xi ku katekisa. Sesi, hi nyike khodo yintsongo loko ha ha korhamisile tinhloko ta hina. Mi swi vula ku fika kwihi xana? Mi nga tlangi sweswi. Lowu a hi wona nkarhi wa ku tlanga. Lowu i nkarhi wo amukela. Lowu i nkarhi lowu mi bohekaka ku Wu amukela. Tanani, swi cukumeteni sweswi. Xana mi ta swi endla? Tanani, nyikani hinkwaso leswi mi nga na swona eka Xikwembu. Mi nge, "Xikwembu, a ndzi na swo tala ngopfu. Ndzo va ntsena nsati wa muti. A ndzi koti ku endla swo tala ngopfu, Hosi, kambe ndzi—ndzi kota ku hlaya Bibele ya Wena, ndzi nga ha khongela masiku hinkwawo. Ndzi nga ha cukumeta thyaka hinkwaro leri ri nga emiehlekeweni ya mina. Ndzi nga swi cukumeta swilo sweswo hinkwaso. Ndzi na nandzu wa swilo swo tala leswi muchumayeri luya a nga swi vula mixo lowu, swingaleswi ndza—ndza swi cukumeta namunlhha. A ndza ha swi lavi. Xikwembu, ndzi tati hi rirhandzu. Ndzi tati hi nchumu lowu wu ndzi endlaka ndzi rhandza nala loyi a bavaka ngopfu loyi ndzi nga na yena. Hakunene ndza swi lava, Hosi."

¹⁵¹ Loko a ha ri eku chayeni lahawani, a mi swi lavi ku ta sweswi mi ta yima ealtareni ntsena xinkadyana, loko ha ha hlengeletana hi rito ra xikhongelo. Loko hakunene u swi vula sweswo sweswi, loko hakunene u ti lulamiserile ku swi tshika, a wu nge yi sukeli altari leyi namunlhha u ri na sweswo embilwini ya wena, loko u nga ta hi ku tshembheka. Nakona u ku, "Ndzi ta lahawani ntsena ku ta yima, ntsena minete, Makwerhu Branham, ina, loko wa ha va na rito ra xikhongelo na mina, hi vumina." Ndzi—ndzi lava leswaku mi ta, mi ta khongela. Xana mi ta ta sweswi? Loko ma ha korhamisile tinhloko ta n'wina, i mani loyi a nga ta tlakuka a ta ealtareni, a yima ku rhendzela hi altari?

U nga ndzi hundzi, Wena Muponisi wo olova,
 Yingisela ku rila ka mina ko titsongahata;
 Loko U ri karhi U vitana eka lavan'wana,
 Oho, u nga ndzi hundzi.

Muponisi, Muponisi,
 Yingisela ku rila ka mina ko titsongahata;
 Loko U ri karhi U vitana eka lavan'wana,
 Oho, u nga ndzi hundzi.

¹⁵² A swi na mhaka leswaku i khale ku fika kwihi u ri Mukreste, nakona u kumeka wa ha ri na mimoya liya yintsongo ya khale leyi yi vulavulaka na wena, yi ku endla u haha u ntshuxekile, yi ku endla u vulavula hi munhu un'wana. Loko munhu un'wana a ta kutani a ya vulavula hi munhu un'wanyana, wa va joyina nakona, oho, ntsena u va sandza. Sweswo swi hoxekile, makwerhu. U nga swi endli sweswo. Sweswo swi ta hetelela swi ku humesa eTikweni ra xitsembhiso. Loko ntsena u ri na swilo swintsongo swa khale leswi a wu nga fanelanga u va na swona, loko rirhandzu ra Xikwembu hakunene ri nga ri kona endzeni ka mbilu ya wena, xana a wu nga ta va wansati na wanuna, u ya kutani u ku, "Xikwembu, kona kwala ndzi ya eku swi cukumeteni, mixo lowu, kona kwala. Ndzi ta suka eka altari leyi ndzi ri munhu loyi a hambaneke." Xana mi nga ta?

¹⁵³ Ku nga va ku ri na mudyohi loyi o ka a nga se amukela Yesu, nakona wa swi tiva leswaku u mudyohi, a wu N'wi tivi tanahi Muponisi wa wena? U ri, "Makwerhu Branham, ina, a ndzi ehleketa leswaku ndzi na ku tiphina ko tala. Ndzi ya etigigini na le mintlangwini na hinkwaswo swilo leswi. Ndzi hlalela muxaka wo hoxeka wa minkombiso. Nakona ndzi—ndzi hlaya tibuku ta muxaka wo hoxeka. Ndzi hlaya tibuku ta khale leti ti nga na switorhi swa nhlambha endzeni ka tona. Ndzi muxaka wo tiphina hi ku ti hlaya." Makwerhu, ku na swin'wana swo hoxeka hi wena. Sweswo i ku navela ka wena; wa vona, u ndzi pfumelela ndzi vona leswi wanuna a swi hlayaka, u nge ndzi vona leswi a swi hlalelaka, ndzi yingisela vunanga lebyi a byi yingiselaka.

¹⁵⁴ Siku rin'wana, loko ndzi ri kari ndzi ta hi movha, munhu un'wana u fikelerile a pfulela xiya-ni-moya xa mina, vunanga byin'wana bya muxaka wa khale wa nhlambha. Ndzi ku, "Tima xilo xexo. A ndzi lavi ku swi twa sweswo." Swilo swin'wana swa boogie-woogie ya khale.

A ku, "Hikokwalaho ka yini, ndza swi tsakela ku twa sweswo."

Ndzi ku, "Ntumbuluko wa wena wu hoxekile. U hoxile."

¹⁵⁵ Loko ndzi ri ehandle lahawani, masiku mantsongo endzhaku ka sweswo, ehenhla eka tlhelo ra ntshava kumbe eka tlhelo ra xiganga, ndzi ri karhi ndzi njovela, na munhu wa kona. Swinyenyani leswintsongo a swi ri eku yimbeleleni. Swindzingiri swi ri karhi swi huwelela. Xitiropo xa khale xi ri karhi xi

haha emoyeni, kumbe nightingale, xi ri karhi xi yimbelela tidzuniso. Ndzi huwelerile mufana luya, ndzi ku, "Languta, mufana, byebyo i vunanga bya mina. Byi tshike byi pfuleriwile. Xexo i xiya-na-moya xa mina. Xikwembu xi swi rhumela ehansi ku ta ndzi yimbelelelo loko ndza ha ri lahawani. Byi rhulisa moya-xiviri wa mina."

¹⁵⁶ Swi antswa ku tlula hinkwaswo swilo swo penga swa khale, tiju ke box leti ta khale ti dumaka, ti yaka emahlweni, laha hambi ku ri ku dya u nga taka u nga dyi endzhawini ya mani na mani. I swakudya swa javulosi. I yindlu ya javulosi, hinkwaswo swi thyakisiwile hi vudyoho. Xana n'wina hinkwenu mi lemukile ehandle lahaya na ku tiphina ha sweswo? Loko va nghenisa mali yaleyo eka swibokisana swa khale leswintsongo, kutani hinkwaswo swilo sweswo swo thyaka swi ta, mi tiphina hi sweswo? Khomani hi tingana. Hi n'wina lava va nga wa. Mi le kule na Xikwembu. A mi xi tivi Xikwembu. Loko a mi xi tivile Xikwembu, eka ku rivaleriwa ka swidyoho swa n'wina, a mi nga ta yingisela miharihari yo kotisa yaleyo. A yi ta va yi file eka n'wina. A mi—a mi ta yi nhlata. A mi yi lavi. Swakudya swa n'wina swa antswa. Mi rhandza Xikwembu. Xana a mi nge ti mixo lowu xana, mi ta khizama lahawani ehansi na lava va nga eku tivuleni mixo lowu?

¹⁵⁷ Hi lava vavanuna na vavasati va nga khizama lahawani, lava va nga va Vakreste ku ringana malembe. A ndzi va susi vukreste. Kambe leswi ndzi nga eku ringetenka ku swi endla i ku va byela leswaku javulosi, loyi a va karhataka, u va endla leswaku va fambela ekule na Ntsako lowu wu hetisekeke. Moya lowo Kwetsima i Ntsako. Makwerhu, ndzi pfuka ndzi pyopyiwile, ndzi ya emubedweni ndzi pyopyiwile, ndzi pyopyiwa dyambu hinkwaro, ndzi pyopyiwa vusiku hinkwabyo. Oho, ntsena ndzi—ntsena ndzi rhandza ku... Ndzi ya eku njoveleni, ndzi ntsena, "U nga ndzi hundzi, Wena Muponisi wo olova. Yingisa ku rila ka mina ko titsongahata." Ndzi ya eku hloteni, na ku yimbelela mindzhuniso ya Xikwembu. Ndzi le ku chumayeleni, ndzi... hinkwako laha ndzi yaka kona. Xana a mi swi lavi ku va hindlela yaleyo xana? Mi tatiwile hi Moya lowo Kwetsima, Wa mi xalamukisa. Oho, mina! Loko mi va twa va yimbelela tinsimu ta khale to thyaka, mi nga ha yimbelela leswi:

Ndzi bohiwile eka Tiko ra xitshembhiso,
Ndzi bohiwile eka Tiko ra xitshembhiso;
O i mani loyi a nga ta ta a ta famba na mina?
Ndzi bohiwile eka Tiko ra xitshembhiso.

Ndzi bohiwile eka Tiko ra xitshembhiso,
Ndzi bohiwile eka Tiko ra xitshembhiso;
O i mani loyi a nga ta ta a ta famba na mina?
Ndzi bohiwile eka Tiko ra xitshembhiso.

Xana ndzi ta ku fikelela rini ku wisa lokuya ku
 nga katekisiwa swinene,
 Nakona ndzi va la katekeke hi masiku!
 Xana ndzi ta wu vona rini mombo wa Tatana
 wa mina,
 Na ku wisa exifuveni xa Yena?
 Ndzi bohiwile eka Tiko ra xitshembhiso,
 Ndzi bohiwile eka Tiko ra xitshembhiso;
 O i mani loyi a nga ta ta a famba na mina?
 Ndzi bohiwile eka Tiko ra xitshembhiso.

¹⁵⁸ Xana a mi nge ti, mi longoloka xana? Ndzi tsundzuka loko kwalomu ka ntlanhu wa madzana ya hina hi yimile hi lahaya loko ndzi ri karhi ndzi khuvula dzana na makumembirhi, kwalomu ka nkarhi walowu wa lembe, ehansi lahawani emabuweni ya nambu, loko Nyeleti liya ya ni Mixo ya kahle yi ta yi ri karhi yi hatimela ehansi enambyeni. Haleluya! Rito ri ri karhi ri vulavula ri huma eka Yona, ri ku, "Siku rin'wana u ta hangalasa Evhangeli emisaveni hinkwayo." Swi nga endlekisa ku yini leswaku mbuyangwani, lontsongo, mufana wa le purasini wo honisa a nga endla sweswo? Tintswalo ta Xikwembu! Amen.

¹⁵⁹ Oho, i mani loyi a nga ta ta a tlhela a famba? Wu cukumeti, wu veki etlhelo, ntiko wun'wana na wun'wana sweswi. Mi nga yi yingiseli mimoya leyi yengaka. Tanani, yingiselani Rito ra Xikwembu, LESWI SWI VULA HI HOSI! "Ku katekile lava va nga na ndlala na torha ra leswo lulama, hikuva va ta xurha."

¹⁶⁰ A hi korhamiseni tinhloko ta hina sweswi loko ha ha khongela na lava va nga ealtareni.

Vana lava rhandzekaka, ndzi lava leswaku mi tsundzuka, mixo lowu, mi kona kwalano ku ta veka etlhelo ntiko. Mi kona kwalano ku ta veka etlhelo ntiko wun'wana na wun'wana na vudyoho lebyi byi mi hlaselaka ku olova. Paul u te, eka Vaheveru, kavanyisa ka vu12.

...hi ku vona leswaku hi...rhendzeriwile hi papa
 lerikulu swonghasi ra timbboni, a hi vekeni etlhelo
 hinkwaswo leswi swi tikaka, na vudyoho...lebyi byi hi
 karhataka hi ku olova,...

Nakona ndzi nga vula swihi swin'wana? hikuva...
 nkarhi wu nga ka wu nga...ku vula hi ta Gideon,...ta
 Balak, Barak,...ta Samson,...ta Yefta; ta Davhida...
 ta Samuel, na ta vaprofeta:

Lava hi ripfumelo va nga hlula mimfumo, va endlile
 vululami, va kumile xitshembhiso, va sivile nomo wa
 nghala,

Va timile vukarhi bya ndzilo, va balekerile ku kariha
 ka fumu, va endliwile lava tiyeke ku suka eka ku tsana,
 kutani va endliwile...tinhenga...nala a beleka...

Kutani vavasati va amukerile vafi va vona va pfuxeriwile evuton'wini...

Nakona van'wana va amukerile ku xanisiwa, ku soriya hi tihanyi na ku biwa, . . . ku tatisa kwalano, ku tlula leswi, ku khomiuwa na khotso:

Kutani—kutani van'wana lava va nga ringiwa . . . ku hlekuriwa . . . ku biwa . . .

. . . hinkwavo va kumile vumbhoni lebyinene hi ripfumelo, . . .

Kutani hinkwavo lava, hikuva va kumile vumbhoni bya kahle hi ripfumelo, a va xi amukelanga xitshembiso:

Xikwembu hikuva xi hi nyiketile swin'wana swo antswa, leswaku ehandle ka hina va nga tshuki va hetiseka.

Hikwalaho-ke hi ku vona leswaku hi . . . rhendzeriwile hi papa lerikulu swonghasi ra timbhoni, a hi vekeni etlhelo hinkwaswo leswi tikaka, na vudyoho . . . lebyi hatlaka ku hi namarhela, leswaku hi ta tsutsuma hi ku tiyisela eka mphikizano wo tsutsuma lowu vekiweke emahlweni ka hina,

Hi ri karhi hi langutisa eka Yesu mutsari na muhetisi wa ripfumelo ra hina; la nga tiyela xihambano hikwalaho ka ntsako lowu a wu vekiwile emahlweni ka yena, u nyenile tingana, kutani . . . u tshamile evokweni ra xinene ra xiluvelo xa Xikwembu.

¹⁶¹ Yesu, eka xikhongelo xa Yena, u te, “Tatana, Ndza tibasisa hi Vumina.” Yesu a va loyi a basisiweke, eka Kereke. A ta va a tekile, kambe a nga swi endlanga. U va loyi a basisiweke. U te, “Va basise, Tatana, hi Ntiyiso. Rito ra Wena i Ntiyiso.”

¹⁶² Sweswi a hi vekeni etlhelo hinkwaswo leswi swi tikaka. U na ximbilwambilwana xana? U na swin'wana hi wena, leswi swi ku endlaka leswaku u vulavula laha a wu fanele u nga vulavuli xana? O Xikwembu! Swi veki lahaya sweswi. Swi veki lahaya, hlalela Ndzilo wa altari wu xika wu ta swi susela ekule. Hlalela rirhandzu ra Xikwembu ri swi lakatsela. Hlalelani hinkwako ku tsonana lokuya ka khale, ndlela leyi a wu vulavula hi yona eka nsati wa wena, ndlela leyi a wu vulavula hi yona eka nuna wa wena, ndlela leyi a wu vulavula vanhu hi yona eka makhelwani wa wena, ndlela leyi u nga vulavula vanhu hi yona ekerekeni, swi veki ealtareni mixo lowu, kutani Ndzilo wa Xikwembu wu ta xikela ehansi wu fika wu swi tekela ekule, kutani rirhandzu ra Vukwembu ri ta pfurha endzhawini ya swona.

¹⁶³ U na vuvabyi xana? Byi veki eka altari, u ku, “Hosi, hi lebyi. Tumbuluxa endzeni ka mina moyo lowu nga basa. Tumbuluxa

endzeni ka mina matimba yo horisa.” U vona leswi Xikwembu xi nga ta swi endla. Xikwembu xi ta swi endla emixweni lowu.

¹⁶⁴ Tata wa hina wa le Matilweni, ha korhama eVukoneni bya Wena, hi ku yimela lava va nga ealtarini. Pfumelela tintswalo ta Wena ti wisela ehenhleni ka un’wana na un’wana wa vona, Tatana. Sweswi tanihi loko va... Hosi, a ndzi nge swi koti ku va endlela swona. Va fanele ku tiendlela swona vona vinyi. Ku hava munhu loyi a nga va endlelaka swona. Va fanelia ku ti endlela swona va ri vox. Pfumelela mimoya-xiviri ya vona yi swi vula endzeni ka vona hi vox, “O Xikwembu, ximbilwambilwana lexi, ndzi xi vekela ehansi lahwani, Hosi. A ndzi nge pfuki ndzi xi rhwalerile. Swi nga ri na mhaka leswaku ku ta yini kumbe ku famba yini, ndzi ta xi tshika xi famba, ku sukela sweswi ku ya emahlweni. Ririmia leri ra mina leri swi nga ri olovela ku teka tlhelio ra ntlawa wa rihlevo, Hosi, ndzi le ku ri vekeni ehansi lahwani. A ndzi nga pfuki ndzi ri rhwalerile nakambe. Basisa ririmia ra mina, Hosi. Ndzi pfumeleli ndzi twa tintsumi loko ti ta, kukotisa hilaha Esaya a swi endleke hakona loko a te, ‘Ndzi wa milomo leyi nga basangiki. Khombo eka mina!’” Kutani Ntsumi yi ta, yi teka rihlanga, yi ya ealtarenii yi ya teka makala ya Ndzilo, kutani yi ri vekela emilon’weni ya yena kutani yi n’wi basisa. Xikwembu, basisa muvulavuri un’wana na un’wana, mixo lowu, lava va vulavulaka swo hoxeka na ku byala timholovo. Hi nyike swona, Hosi.

¹⁶⁵ Hinkwabyo vuvabyi lebyi nga korhama lahwani eka muako lowu, vanhu lava nga na vuvabyi, lava va swi tivaka leswaku i madimona, na wona. Xikwembu, tanihi nandza wa Wena, ndza ma tshinya, hi Vito ra Yesu. Ingaku byi nga huma eka munhu un’wana na un’wana loyi a vabyaka. Nakona ingaku munhu un’wana na un’wana la nga basangiki, loyi a nga na mianakanyo leyi yi nga basangiki, nhlambha, ku navela, vavanuna na vavasati, ku yelana, Xikwembu, swi humesi eka vona. Hinkwavo lava va nga lahwani lava va ringetaka ku tshika tisigarete, na swo nwanyana swo titsakisa, na mintlangunyana, na swilo swo tsonana; Xikwembu, xalamukisa mbilu ya vona hi Moya lowo Kwetsima hi ndlela ya ku va swilo leswiya swi nga vi na ku tsakela kun’wana nakambe. A swi nge vi na ndzhawu; u tele hi Moya lowo Kwetsima, ku sukela kwalano ku ya emahlweni.

¹⁶⁶ Xikwembu, endla xikerekani lexi xi va xihlahla lexi xi pfurhaka. Xi endli xi va ndzhawu ya Moya lowo Kwetsima, xi endli xi va Ndzilo lowu pfurhaka, leswaku misava yi nga ha hambukela etlhelo ku ta vona ku kwetsima ka Xikwembu. Xikwembu, sungula hi vanhu lava vantsongo lava tataka xandla, lava va tlulaka dzana lahwani mixo lowu. Hi nyike swona, Hosi.

¹⁶⁷ Tengisa mbilu yin’wana na yin’wana, Mumethodist un’wana na un’wana, Mubaptist un’wana na un’wana, Mukhatholiki un’wana na un’wana, Mupresbyterian un’wana na un’wana,

Mupentekostal un'wana na un'wana. Hosi, swi susi etimbilwini ta vona, nakona va pfumeleli va ta eka Wena namuntlha. Hi nyike swona, Tatana. Ndzi va bumabumela eka Wena, na ku va nyikela eka Wena, hi Vito ra Yesu Kreste, eka ku basisiwa ka mimoya-xiviri ya vona na ku horisiwa ka mimiri ya vona. Amen.

¹⁶⁸ Ndza tivutisa, ealtareni, leswaku xana mi siyile ndhwalo wa n'wina xana? Xana mi twa tanahi loko wa ha tshamile kwalano xana? Loko mi twa wu tshamile kwalano, mi ta va vaavanyisi. Hi n'wina lava nga eku khongeleni. Mina ndzi chumayerile. N'wina mi le ku khongeleni. Xana ndhwalo wa n'wina wu sele kwalano, makwerhu, sesi? Xana hakunene mi nga wu siya kona lahaya? Loko mi swi kota, yimisani mavoko ya n'wina, mi ku, "Ina, Xikwembu, sweswi ndzi wu siya kwala. Ku hambana ka mina, ndzi ta ku siya kona lahawani ealtareni." U ri yini hi mayelana na swona, ehansi emakumu ka altari lahawani, exineneni xa mina, manana? Xana u nga wu siya kwalahaya xana? Xana u nga wu siya ndhwalo luwa wa khale lahaya? U nge, "Ina, riphumelo ra mina ri langutisa eka Wena, Wena Xinyimpfana xa Khalivhari." Loko hinkwerhu ha ha ri yimbelela swin'we sweswi.

Riphumelo ra mina ri languta eka Wena,
 Wena Xinyimpfana xa Khalivhari,
 O Muponisi wa Vukwembu;
 Sweswi ndzi yingisi loko ndza ha khongela,
 Susa nandzu wa mina hinkwawo,
 O ndzi pfumeleli ku sukela eka siku leri
 Ndzi va wa Wena hi ku hetiseka!

¹⁶⁹ A hi yimeni hi milenge ya hina, hi ku xixima ka xiviri, un'wana na un'wana. Sweswi yingiselani hi vurhon'wani, un'wana na un'wana sweswi. Ku nga fambi munhu. Ntsena... Xikhongelo a xi se hela. Ndzi mi lava leswaku mi kuma vukwetsimi lebyi byintsongo, ku hlambanya lokuntsongo.

Loko ndza ha kandziyela munyama wa tindlela
 ta vutomi,
 Kutani magome ya hangalaka ku rhendzeleka
 na mina,
 A ku ve Wena Muleteri wa mina;
 Lerisa munyama wu hundzuka siku,
 Sula mihloti ya nhlomulo yi suka,
 Kutani ndzi pfumeleli ku sukela siku leri
 Ndzi va wa Wena hi ku hetiseka!

U nga ri yimbeleleli makhelwani wa wena sweswi. Tsipa matihlo ya wena, kutani hi ri yimbelela hi ku nonoka, tanahi loko hi tlakusela mavoko ya hina eka Xikwembu.

Loko ndza ha kandziyela munyama wa tindlela
ta vutomi,
Kutani magome ya hangalaka ku rhendzeleka
na mina,
A ku ve Wena Muleteri wa mina;
Lerisa munyama wu va siku,
Sula mihloti ya nhlomulo yi suka,
Naswona u nga ndzi pfumeleli ndzi pepetseka
Ku suka eka tlhelo ra Wena.

Ndzi na Tatana halahaya,
Ndzi na Tatana halahaya,
Ndzi na Tatana halahaya,
Eka ribuwa lerin'wana.

Oho, siku rin'wana ro phatima ndzi ta famba
ndzi ya N'wi vona,
Siku rin'wana ro phatima ndzi ta ya ndzi ya
N'wi vona,
Siku rin'wana ro phatima ndzi ta ya ndzi ya
N'wi vona,
Eka ribuwa lerin'wana.

Oho, siku lero ro phatima ri nga ha va
mundzuku,
Siku lero ro phatima ri nga ha va mundzuku,
Siku lero ro phatima ri nga ha va mundzuku,
Eka ribuwa lerin'wana.

¹⁷⁰ Ndza tivutisa sweswi, i vangani lava va nga na tatana eka Tiko lerin'wana xana? A hi voneni mavoko ya n'wina. I vangani lava va nga na manana eka Tiko lerin'wana xana? A hi voneni mavoko ya n'wina. I vangani va nga na Muponisi eka Tiko lerin'wana xana? A hi voneni mavoko ya n'wina.

Yaleyo a yi nga ta va nhlengeletano yo tsakisa!
Yaleyo a yi nga ta va nhlengeletano yo tsakisa!
Yaleyo a yi nga ta va nhlengeletano yo tsakisa!
Ehenhleni ka lerin'wana . . .

¹⁷¹ Ndzi lava leswaku mi endla swin'wana. Sweswi loko ha ha yimbelela lero nakambe, ndzi lava leswaku mi qhavulana mavoko na loyi a nga yima etlhelo ka wena, kutani mi ku, "Makwerhu, sesi, ndzi khongeleti, leswaku ndzi ta hlangana na wena eka Tiko lerin'wana." U nga swi endli handle ka loko u swi vula ku suka endzeni. I vangani lava va lavaka ku hlangana na van'wana? I vangani lava va lavaka ku hlangana na munhu un'wana na un'wana lahawani, Lahaya? Hina, hakunene ha swi lava. Sweswi ntsena a hi qhavuleni voko ra un'wana, kutani hi ku, "Ndzi lava ku hlangana na wena, makwerhu. Ndzi lava ku hlangana na wena eka tlhelo lerin'wana." Sweswi loko ha ha yimbelela leri, "Ndzi na Muponisi halahaya." Hinkwaswo swi lulamile.

Ndzi na Muponisi halahaya,
 Ndzi na Muponisi halahaya,
 Ndzi na Muponisi halahaya,
 Ehenhla ka ribuwa lerin'wana.

Oho, eka siku rin'wana ro phatima ndzi ta ya
 ndzi ya N'wi vona,
 Siku rin'wana ro phatima ndzi ta ya ndzi ya
 N'wi vona,
 Siku rin'wana ro phatima ndzi ta ya ndzi ya
 N'wi vona,
 Eka ribuwa lerin'wana.

¹⁷² Xana sweswo a swi mi endla mi titwa kahle na ku va kahle xana? “Yesu, ndzi tshuneti ekusuhi na xihambano.”

Yesu, ndzi tshuneti ekusuhi . . .
 Ku na xihlovo xo hlawuleka,
 Xi nga ntshuxekela hinkwavo, xinambyana
 lexi horisaka,
 Xi khulukaka ku suka xihlobyeni xa
 Khalivha- . . .

Un'wana na un'wana a yimisi voko ra yena sweswi.

Exihambanweni, exihambanweni,
 Vana ku kwetsima ka mina hi masiku;
 Ku fikela laha moy-a-xiviri wa mina lowu
 tlhandlukisiweke wu nga ta kuma
 Ku wisa entsungeni wa nambu.

Exihambanweni, exihambanweni,
 Vana ku kwetsima ka mina hi masiku;
 Ku fikela laha moy-a-xiviri wa mina lowu
 tlhandlukisiweke wu nga ta kuma
 Ku wisa entsungeni wa nambu.

Ndza N'wi rhandza, ndza N'wi rhandza
 Hikuva U rhange a ndzi rhandza
 A xava ku ponisiwa ka mina
 Ekhalivhari.

A ku dzunisiwi Xikwembu!

¹⁷³ Ntsena a hi korhamiseni tinhloko ta hina sweswi hi miyerile. Nakona hi ndlela ya hina vinyi yo rhandzeka, ntsena a hi N'wi dzuniseni na mavoko ya hina lawa ya nga tlakukela ehenhla, hi ri karhi hi ku, “Ndza Ku khensa, Hosi, ku va u ponisile moy-a-xiviri wa mina. Ndza Ku khensa, Hosi, ku va u ndzi endlile loyi a heleleke. Ndza Ku khensa, Hosi, eka hinkwaswo leswi U nga swi endla, ku tisa ku kutsula loku ku tsokombelaka, ku tisa ku ponisiwa ka mahala. Ndza Ku khensa, Hosi.” Hi Ku nyika ku nyikela loku ka ku khensa. Ha Ku khensa hikuva Wa rhandzeka swinene. Hi Wena Konhwa wa Nkova, Nyeleti ya ni Mixo, Xiluva xa Saroni, la nga Hinkwaswo-eka-Hinkwaswo. U Tatana,

N'wana, Moya lowo Kwetsima; Loyi a ri Kona, Loyi a nga Kona, nakona A nga Ta ta; Alfa lonkulu, Omega. Hi Wena la Sasekeke, Hosana ya Kurhula, Rimintsu na Ximintswana xa Davhida. U Hinkwaswo! Nakona ha Ku khensa, Hosi, eka hinkwaswo leswi U nga swi endla. Ha Ku khensa hikwalaho ka Rito ra Wena, hikuva Ri ku Vonakala endleleni ya hina. Oho, ha khongela, Hosi, leswaku U ta hi pfumelela hi famba eku Vonakaleni. Hi nyike swona, Tatana. Hi Vito ra Yesu Kreste. Amen.

Hinkwaswo swi lulamile. Loko ha ha tshamile minete. “Hi ta famba eku Vonakaleni.”

Hi ta famba eku Vonakaleni, ku Vonakala ka
kahle swonghasi,
Loku humaka laha manthonsi ya mberha ya
tintswalo ya vangamaka;
Voninga hinkwako ku rhendzeleka hi hina, na
nhlikani na na vusiku,
Yesu, ku Vonakala ka . . .

¹⁷⁴ Tanani, vakwetsimi, a hi ri yimbeleleni sweswi!

Hi ta famba eku Vonakaleni (ku tengä, ku
kwetsima), ku Vonakala ko saseka,
Loku humaka laha manthonsi ya mberha ya
tintswalo ya vangamaka;
Voninga hinkwako ku rhendzeleka hi hina, na
nhlikani na na vusiku,
Yesu, ku Vonakala ka misava.

Tanani, N'wi vuleni tanahi Hosi-nkulu ya
n'wina,
Yesu, ku Vonakala ka misava;
Kutani tibele ta le Tilweni ti ta ba,
Yesu, ku Vonakala ka misava.

Un'wana na un'wana!

Hi ta famba eku Vonakaleni (ku Vonakala eka
ndlëla ya mina), ku Vonakala ko saseka,
Loku humaka laha manthonsi ya mberha ya
tintswalo ya vangamaka;
Voninga hinkwako ku rhendzeleka hi hina, na
nhlikani na na vusiku,
Yesu, ku Vonakala ka misava.

¹⁷⁵ A swi mi endlì mi titwa kahle xana? I vangani lava va
titwaka kahle xana? Ntsena yimisani mavoko ya n'wina sweswi,
mi ku, “Ndzi titwa kahle hakunene.” Moya lowo Kwetsima wu
mi ngundzuvanyile hinkwenu. Kutani hi ta (yini?) famba eku
Vonakaleni. Mi nga yingiseli swin'wana . . . Xana ku Vonakala i
yini? “Rito ra Wena i Rivoningo.” Kutani swingaleswi:

Hi ta famba eku Vonakaleni loku, i ku
 Vonakala ko saseka,
 Ku huma laha manthonsi ya mberha ya
 tintswalo ya vangamaka;
 Voninga hinkwako ku rhendzeleka hi hina, na
 nhlikani na na vusiku,
 Yesu, ku Vonakala ka . . .

¹⁷⁶ Sweswi, a swi sasekanga sweswo xana? Swi languteka
 ingaku a hi nge pfali. Moya lowo Kwetsima ntseña wu hi
 khomile! A mi titwi hi ndlela yaleyo xana? Ntseña ku titwa
 kukotisa . . . ? . . . Ntseña swi tikomba tanihi loko yi ri karhi
 yi huma.

Evhangelii yi le ku thoneni ka ngati,
 Ngati ya vadyondzisiwa lava va nga fela
 Ntiyiso,
 Evhangeli leyi ya Moya lowo Kwetsima yi le ku
 thoneni ka ngati.

Wo rhanga ku fela kungu leri ra Moya lowo
 Kwetsima,
 A ri Yohana Mukhuvuri, kambe u file kukotisa
 wanuna;
 Kutani ku ta Hosi Yesu, va N'wi vambilé,
 U chumayerile leswaku Moya wu ta ponisa
 vavanuna eka vudyoho.

Ku na Petro na Paul, na Yohana wa vukwembu,
 Va nyikerile vutomi bya vona leswaku
 Evhangeli leyi yi nga ha hatima;
 Va pfanganyisile ngati ya vona, kukotisa
 vaprofeta va khale,
 Leswaku Rito ra Ntiyiso ra Xikwembu ri nga
 vuriwa hi ku tshembheka.

Kutani va khandlile Stefano, a chumayela ku
 lwisana na vudyoho,
 U va hlundzukisile swinene, va fayile nhloko
 ya yena;
 Kambe u fele eMoyeni, u nyikerile moyo,
 Kutani a famba a ya tihlanganisa na van'wana,
 muendzeriwa luya a nyikelaka vutomi.

Yi tshamela ku thona ngati, ina, Yi thona ngati,
 Evhangeli leyi ya Moya lowo Kwetsima yi le ku
 thoneni ka ngati,
 Ngati ya vadyondzisiwa lava va nga fela
 Ntiyiso,
 Evhangeli leyi ya Moya lowo Kwetsima yi
 tshamela ku thona ngati.

Ku na mimoya-xiviri ehansi ka altari, yi le ku rileni, "I nkarhi wo tani hi kwishi?"

Ku va Hosi yi xupula lava va nga endla xihoxo; Kambe ka ha ta va na vo tala lava va nga ta nyikela ngati ya vutomi bya vona

Hikuva Evhangeli leyi ya Moya lowo Kwetsima na ndhambi ya Yona yo tshwuka.

Ntsena yi tshamela ku thona ngati, haleluya, Yi le ku thoneni ka ngati,

Ndzi lava ku va un'wana wa vona.

Evhangeli ya Moya lowo Kwetsima, Yi le ku thoneni ka ngati,

Ngati ya vadyondzisiwa lava va nga fela Ntiyiso,

Evhangeli leyi ya Moya lowo Kwetsima yi le ku thoneni ka ngati.

¹⁷⁷ Ndzi ta tsakela ku famba ku suka aphulphitini. Amen. Oh, swi saseke njhani! Vamakwerhu va mina va nyikela ngati ya vutomi bya vona. Ku ta va na vo tala lava va nga ta endla nchumu lowu fanaka. Mi nga vileli. Yi le ku teni eka nkombiso ku nga ri khale. U nga ha nghena kumbe u huma. Hinkwavo va le ku tihlanganiseni sweswi eka Huvo ya Tikereke, naswona hinkwato ti le ku ngheneni. Hinkwavo va le ku hlengeletaneni va vuya kun'we.

Nakona ku ta va na vo tala lava va nga ta nyikela ngati ya vutomi bya vona,

Hikwalaho ka Evhangeli leyi ya Moya lowo Kwetsima na ndhambhi ya Yona leyi yi basisaka.

Yi le ku thoneni ka ngati, ina, Yi le ku thoneni, (Oho, haleluya!)

Evhangeli leyi ya Moya lowo Kwetsima yi le ku thoneni ka ngati,

Ngati ya vadyondzisiwa lava va nga fela Ntiyiso,

Evhangeli leyi ya Moya lowo Kwetsima, Yi le ku thoneni ka ngati.

¹⁷⁸ Mina! Ndzi twa o nge ku Vutliwa ku le henhla ka kereke. Oho, ntsena swi ndzi endla ndzi titwa kahle swinene! Swidyo hinkwaswo swi le hansi ka Ngati. Wa vona, Moya lowo Kwetsima wu tsakela Rito. Rito hi leri Moya lowo Kwetsima wu tiphamelaka rona, wa swi vona. Oho, mina! Wu xikela ehansi wu fika wu nghena exikarhi ka vanhu, wu basisa swidyo swa vona, wu susa uvabayi bya vona, wu susa gome ra vona. Sweswi ndzi pyopyiwile, ntsena ku pyopyiwa tanahi laha ndzi nga va ka xiswona, ku pyopyiwa eMoyeni, rirhandzu ri karhi ri tswongekela ehandle ka mbilu ya mina. Swi nga ri na mhaka

leswaku mani na mani a nga va a endlile yini, swi rivaleriwile. Nala wa wena loyi a bavaka ngopfu, u herile. Munhu un'wana na un'wana loyi a nga tshama a vulavula kumbe ku vula swin'wana, loko mina...kunene, ndzi...leswi swi nga famba hinkwaswo, hinkwaswo swi basisiwile sweswi.

Nakona Yi le ku thoneni ka ngati, ina, Yi le ku
thoneni ka ngati,
Evhangeli ya Moya lowo Kwetsima yi le ku
thoneni ka ngati,
Ngati ya vadyondzisiwa lava va nga fela
Ntiyiso,
Evhangeli leyi ya Moya lowo Kwetsima...

Oho, mina! Swi saseke nhjani!

I nkari wo saseka njhani eka n'wina,
I nkari wo saseka njhani eka mina;
Loko hinkwerhu hi tilulamisela ku hlangana
na Yesu Hosi-nkulu ya hina,
I nkari wo saseka njhani lowu wu nga ta va
kona.

Nkarhi wo saseka eka n'wina,
Nkarhi wo saseka eka mina;
Loko hinkwerhu hi tilulamisela ku hlangana
na Yesu Hosi-nkulu ya hina,
I nkarhi wo saseka njhani lowu wu nga ta va
kona.

Ma swi rhandza sweswo? Un'wana na un'wana, tanani!

Oho, nkarhi wa kahle eka n'wina,
Nkarhi wa kahle eka mina;
Loko hinkwerhu hi tilulamisela ku hlangana
na Yesu Hosi-nkulu ya hina,
I nkarhi wo saseka njhani lowu wu nga ta va
kona.

¹⁷⁹ Ntsena ndzi titwa tanihi loko mpfuxelelo wa fexeni ya khale
wu ri ekerekeni. A mi tano xana? Ntsena ku basisa ka khale, ku
ngundzuvanyeriwa ehandle; wa kahle, nkarhi wa kahle wa khale.
A mi titwi kahle xana? Oho!

Ndzi ta N'wi dzunisa, ndzi ta N'wi dzunisa,
Dzunisani Xinyimpfana lexi nga dlayeriwa
vadyohi.

A hi ri yimbeleleni sweswi, munhu un'wana na un'wana. Ma
ri tiva xana? Mina ndza ri tiva. Tana haleno; u ndzi pfuna ku
ri suma, Makwerhu Neville. Na hinkwenu ka n'wina, kun'we
sweswi, ntsena a hi yimiseni mavoko ya hina, hi ri yimbelela
kun'we, sweswi, loko mi nga swi kota.

Dzunisani Xinyimpfana lexi nga dlayeriwa vadyohi;
 Xi nyikeni ku dzuneka, n'wina vanhu hinkwenu,
 Hikuva Ngati ya Xona yi hlantswile xinaka xin'wana na xin'wana.

¹⁸⁰ Sweswi, munhu un'wana na un'wana, tanani!

Ndzi ta N'wi dzunisa, ndzi ta N'wi dzunisa,
 Dzunisani Xinyimpfana lexi nga dlayeriwa vadyohi;
 Xi nyikeni ku dzuneka n'wina vanhu hinkwenu,
 Hikuva ngati ya Xona yi hlantswile xinaka xin'wana na xin'wana.

Amen. Sweswo swi sasekile?

Doroba ro basa kukotisa perla,
 Ndzi na muako lowukulu, harpa, na harhi;
 Sweswi ndzi rindzerile, ndzi ri karhi ndzi hlalela na ku khongela,
 Hikwalaho ka Doroba ro basa leri Yohana a nga ri vona ri ri karhi ri xika.

¹⁸¹ Amen. Swi sasekile! Oho! Sweswi a hi yimeni hi milengeta ya hina, un'wana na un'wana. Ndzi tshembha leswaku mi titwa kahle. Mi tsundzuka swikhongelo vusiku bya namuntlha. Sweswi hi lava ku yimbelela ra hina ra kahle, risimu ra khale ro ntshuxa.

Ku khinsama eVitweni ra Yesu,
 Ku badama emilengeni ya Yena,
 Hosi ya tihosi eTilweni hi ta Yi ambexa harhi,
 Loko rendzo ra hina ri hetisekile.

Hinkwaswo swi lulamile. Un'wana na un'wana sweswi, kun'we. Hinkwaswo swi lulamile.

Ku khinsama eVitweni ra Yesu,
 Ku badama emilengeni ya Yena,
 Hosi ya tihosi eTilweni hi ta Yi ambexa harhi,
 Loko rendzo ra hina ri hetisekile.

Vito ro hlawuleka (Vito ro hlawuleka), O hilaha ri tsokombelaka hakona! (O hilaha ri tsokombelaka hakona!)

Ntshembho wa misava na ntsako wa le Tilweni; Vito ro hlawuleka (Vito ro hlawuleka), O hilaha ri tsokombelaka hakona! (O hilaha ri tsokombelaka hakona!)

Ku tshembha ka misava na ntsako wa le Tilweni.

¹⁸² I mixo wo saseka njhani! I nkarhi wo saseka njhani! A hi korhamiseni tinhloko ta hina sweswi xinkadyana. Un'wana na un'wana a langutisi a kongoma eka Kreste sweswi, Muponisi wa n'wina. Hi ndlela yo miyela, ndzi lava mi N'wi nyika ku khensa na ku dzunisa. Mi ku, "Hosi, ndza Ku khensa ku va u basisile moyo-xiviri wa mina. Ndza Ku khensa swinene eka hinkwaswo leswi U nga ndzi endlela swona. Pfumelela Moya wa Wena wu va ehenhla ka mina esikwini, Hosi. Ndzi letele. Ndzi kongomise. Ndzi katekisi." Xikwembu xi mi nyika nkateko walowo, i xikhongelo xa mina.

Sweswi loko ha ha korhamisa tinhloko ta hina, Makwerhu Neville, u hi ntshuxa hi rito ra xikhongelo.



MIMOYA LEYI YENGAKA TSO55-0724

(Enticing Spirits)

SERISI YA DYONDZO YA MADIMONA

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mawuwani 24, 1955, eTabernakeleni ya Branham eJeffersonville, Indiana, U.S.A., ri tekiwile ku suka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org